

VHAKA VHUKATI HA ZWIKHATHI

ZWA SUMBE ZWA TSHIVHIDZO

NA MAPFUNDO A SUMBE

 Ndi madekwana avhudzi, dzikhonani. Ndi u—u tondwa huhulwane u vhuya fhano nduni ya Murena, madekwana a namusi, kha tshumelo, huno ri tshi kha di tshila nga—nga mana u bva nga matsheloni ano, lwe mimuya yashu yo vha yo fhaṭutshedzwa zwihiwlwane nga Vhuhone Hawe vhuhulwane. Huno zwino, madekwana a namusi, riñe ri...ri tshi thoma nga thoho ya: *Vhaka Vhukati Ha Zwikhathi Zwa Sumbe Zwa Tshivhidzo Na Mapfundo A Sumbe*.

² Huno ndo vha ndi tshi khou tou amba, masiari ano, na khonani. Huno khamusi, Murena a tshi funa, nga tshinwe tshifhinga nga itsi tshilimo, arali A sa nnzhii a nnyisa Hayani, kana—kana, ndi swika hune nda vhuya, nda sa ye seli ha lwanzhe kana tshiñwe tshithu, ndi do takalela u rwa hafhu kha Phalaphala dza sumbe dza u fhedza, ni a vhona. Huno zweathe zwi a ūumana zweathe. Huno—huno zwenezwo hu na Mabulayo a sumbe a u fhedza kha izwi. Huno zweathe zwi a ūumekana fhethu huthihi, vhunga ri tshi do vhona musi ri tshi khou bvela phanda.

³ Ngauralo, madekwana a namusi, musi ri tshi nga ri thoma u fhumula... Ndi nga di lapfisa zwiṭuku madekwana a namusi. Na... Zwenezwo ndi tshi swika ngeno fhano, zwino... U rera hothe he nda hu ita ngei Phoenix, na khathihi nga tshinwe tshifhinga a tho ngo vha na manzaranzara, ni a vhona. Izwo ndi zwone. Huno, yawee, nnenñe, ndo rera nga ndila i kondaho hani! Huno ngauri, ndi a tenda, ho vha hu tshumelo dza fumbilisumbe, hu si na u vha na manzaranzara. Fhedzi ndi kilima fhano, ni a vhona. Hu tou vha nga ndila i nyadzeaho, ho tou vhifha fhano, hu tou vha govha. Hu tou vha nyimele yo vhifhaho ngeno murahu, huno, zwa mutakalo, ni a divha, zwine nda amba zwone, zwe—zwo—zwo vhifha. Huno muriwe mureri-who u na... a no amba, u na tshidikadika tsho vhifhaho, tsha u tou thoma.

⁴ Kho—khonani ya dokotela yanga yo sedza ngomu ha mukulo wanga, nga tshiñwe tshifhinga, u vhona zwe zwa vha zwe khakhea. Ha pfi, “A hu na tshithu.” Ha pfi, “Inwi ni tou vha na phone kha notsi dza ipfi heneffho.” Ha pfi, “Ayo a bva kha u rera.” Zwe luga, ndi—ndi—ndi nga ndi a zwi funa izwo, ni a divha. Izwo zwe nnyita uri ndi pfe ndi khwine, samusi zwi tshi nga shumiswa kha u rera, ni a vhona. Zwi do luga, u itela Muvhuso wa Mudzimu.

⁵ Zwino, ri nga di kundelwa u hwala muvhilini washu mavhadzi a Ye-...lwa Yesu Kristo, vhunga Paulo o ita, kha u rwiwa. Fhedzi ri nga dihwala luswayo lwashu kha u rera na u nea ipfi lashu li tshi hanedzana na zwithu two khakheaho. Ngauralo, ri vha livhuwaho uri a ri tei u rwiwa hafhu, nga maandesa u swika kha itshi tshifhinga. Ngauralo riñe—riñe ri...

⁶ Naa ndi vhangana ngomu hafha vho no vhalaho *Naa Ndi Tshifhinga-de, Vhane Vhanga?* Kana, vho no u pfaho, ni a ñivha, *Naa Ndi Tshifhinga-de, Vhane Vhanga?* Uyo wo nndina zwiñukunyana. Arali ni songo ralo, ndi a tama, nga iñwe ndila, arali ni tshi nga swika hune na u pfa, kana iñwe ndila. Wo nga u a nndina. Ndo tou ḥoda u posela ili ndi sa athu thoma tshumelo. Hune ha ḥoda u—hune ha ḥoda u ita vhege kana maduvha a fumi o fhiraho, ndo vha ndo dinalea nga maanda. Ndo tou...A—a—a tho ngo tou, ndo vha ndi si nga dzhii dzitshumelo kana tshiñwe tshithu, ngauri a—a tho ngo zwi ñivha. Two vhonala hu tshi nga tshi nga vha tshiñwe tshithu tsho vhifhaho, huno a tho ngo tou ñivha tshe tsha vha tshi tshone. Ngauralo nda...

⁷ Nga mañwe matshelonitsheloni, nda vuwa, u ya ngomu ha Sabino Canyon. Ine, u bva nñuni, hu tou vha u reila ha miniti dza furaru u ya kha...kana fuiña, u ya kha ḥoho ya Sabino Canyon, zwenezwo hu na ndila i no gidima maela dza furaru u ya nñha u dzhena thavhani.

⁸ Shango lisili, ngei nñha. Ndi nga kona u vha fhano phangani, hune ha vha dza fumalo na futuhe, zwa zwino, huno nga miniti dza furaru ra vha kha mahada a fithi dza malo, ni a vthona, nñha ha thavha. Ro vha ri ngei Phoenix, zwa zwenezwino, he ha vha hu fumbili na zwithu, digirii dza fumbilimalo. Vha dudedza kutivha kwa u bambela, na vhatu vha tshi khou bambela. Huno nga u reila miniti dza fuiña u bva heneffo, ho vha hu maela dza fuiña fhasi ha zero, ngei Flagstaff. Ni a vthona? Iyo ndi yone phambano u bva nñha kha dzitsinga na phangani. Huno lwa mutakalo nga maanda kha vha lwalaho asima, na vhañwe.

⁹ Fhedzi, zwino, nda gonya kha govha, huno nda namela nñha u ya nga he nda kona u ya. Huno nda—nda—nda humbela Murena, musi ndo dzula nñha ngomu heneffo, zwe izwo zweñothe zwa amba, na zwiñwe-vho. Ndo vha ndi tshi nga ndo diniwa, huno ndo vha ndi sa ñivhi zwe nda vha ndi tshi nga ita.

¹⁰ Huno ngauralo musi ndo vha ndi tshi khou rabela; tshithu tshisili tsha bvelela. Ndi—ndi—ndi ḥoda u vha a fhulufhedzeaho. Zwino, ndi nga vha ndo mbo farwa nga khofhe. Ho vha hu tshi do vha ho vha u fana na u vha tuyani, kana ho vha hu tshi nga vha ho vha bo—bo—bono. Nñe ndi tshingamela kha u tenda uri ho vha hu bono. Izwo, ndo vha ndo ḥaramudza zwanda zwanga nnnda, ndi tshi ri, “Murena, naa uhu u thuthuba hu ambani?”

Huno naa avha Vharuňwa vha sumbe nga tshigwada tsha—tsha phiramidi, vha tshi nndoba mavuni huno vha rembulutshela vhubevađuvha, naa zwi amba mini?”

¹¹ Ndo vha ndo ima henefho, ndi kha thabelo, huno tshinwe tshithu tsha bvelela. Huno, zwino, tshiňwe tshithu tsha wela tshandani tshanga. Huno ndi a divha, arali ni sa pfesesi zwithu zwa maya, zwi nga di vhonala zwi zwisili nga maanda. Fhedzi tshiňwe tshithu tsha kwama tshanda tshanga. Huno, musi ndi tshi sedza, ho vha hu banga. Huno mufhini wo vha wo itwa nga perela, perela ya lunako nga maanda ye ŋda vhuya nda i vhona. Huno mu—mulindi, ni a divha, hune... Ndi a humbulela ndi u vhulunga zwanda zwanu uri zwi songo ḥavhiwa, ni a divha, musi ni tshi... vha—vhatu vho vha vha tshi khou ṭatisana; ho vha hu musuku. Huno vhuhalini ha banga ho vha hu songo lapfesa, fhedzi ho vha hu tshi tshea sa luare; huno ho vha hu silivhere i penyaho. Huno tsho vha tshi tshithu tsha lunako nga maanda tshe nda vhuya nda tshi vhona. Tshi tou fanela tshanda tshanga kokotolo. Huno ndo vha ndo tshi fara. Nda ri, “Naa itsho a si tsha lunako!” Nda tshi sedza. Huno nda elekanya, “Fhedzi, ni a divha, tshifhinga tshothe ndo vha ndi tshi ofha banga.” Ndo vha ndi tshi nga ndo takala uri ndo tshila nnda ha maduvha e vha a shumisa, ngauri ndi—ndi ofha lufhangha. Huno ngauralo nda—nda elekanya, “Naa ndo vha ndi tshi do ita mini nga ilo?”

¹² Huno musi ndo fara, tshandani tshanga, Ipfi li bvaho huňwe fhethu la ri, “Ilo ndi banga la Khosi.” Huno zwenezwo la n̄utshela.

¹³ Zwo luga, ndo—ndo mangala uri zwo ambanı, “Ilo ndi banga la Khosi.” Huno nda elekanya, “Arali Lo vha lo ri, ‘banga la khosi,’ lo vha li tshi do vha uri ndo vha ndi tshi do vha ndo li pfesesa. Fhedzi Lo ri, ‘Ione banga la Khosi.’” Ngauralo ndi nga di si vhe na iyı pfanelo, fhedzi nda elekanya, “Hu na Muthihi fhedzi, ene Khosi, uyo ndi Mudzimu. Huno banga Lawe ndi Ili, ‘U tshea li fhira banga la mutsheahothę, ni a vhona. ‘Huno ni tshi dzula kha Nne, huno Maipfi Anga...’” Ni a vhona? Huno nda—nda elekanya... .

¹⁴ Nga u ṭatisana, ni a vhona, huno vhunga ndi tshi pfese-... A thi pfesesi na ipfi lithihi lazwo, fhedzi, kana mulayo muthihi wa u ṭatisana. Fhedzi, u ya nga vhukhwine ha pfeseso yanga, lufhangha lu tshi kwama u budekanya. Huno zwenezwo, mafhedziselonı, ma—mabanga, arali a tshi khinela, swina na inwi ni khinela mabanga, nga iyı ndila, zwenezwo zwi dzhia nungo dza munna a no khou ṭatisana. Ngauri, ni a vhona, banga lawe li do sumba kha mbilu yanga, huno langa kha yawe, fhedzi o khinélwa, vhunga phanga dzashu dici tshi kwamana. Huno zwenezwo dici tshi kwama, huno zwenezwo mabanga a da fhethu huthihi. Huno liňwe line li nga sukumedzela liňwe fhasi, banga lo ri tswititi kha mbilu. Ngauralo zwi dzhia... .

¹⁵ Naho banga la vha Ipfi, zwi dzhia tshanda tsha lutendo lwo khwaṭhaho u Li fara heneffo, u Li disa kha mbilu ya swina. Zwino, hu si u divha izwi zwithu, fhedzi u tou... Izwo zweṭhe zwe nda zwi ḥanganedza kha Ene, zwine ndi nga amba, ndo ni vhudza. Ngauralo, itsho, ni a divha, ndi tenda uri ho vha... Naa ho vha hu si Murena washu o ambaho, vhoṭhe vhe A vha ḥanganedza vha tshi bva ha Khotsi, zwe A amba, huno a sa litshe tshithu? Huno—huno ngauralo ri ḥoda u ita izwo zwithu vhunga zwi tshi tou da. Zwino, arali ni tshi do vha wa vhuṭali zwa vhukuma, huno na rabela, nne ndi na ngoho ya uri ni do pfectesa tshiñwe tshithu hu si kale nga maanda, zwino, tshiñwe tshithu tshire nda fhulufhela uri tsho dzumbululwa.

¹⁶ Zwino, kha iyi Bugu, kha ri ye zwino kha ndi—ndima ya vhu5 ya Bugu i no vhidzwa Yone Nzumbululo ya Yesu Kristo.

¹⁷ Zwino, matshelo nga madekwana ndi Pfundo la u Thoma. Zwine, Mapfundo a u thoma manja a a pfunululwa, nga vhanameli vhaṇa vha bere, muthihi kha Pfundo ḥithihi li no kwama lifhasi. Huno zwenezwo, ḥanwe, a vha nga lengi, u swika nga murahu ri tshi fhira nga ha... Musumbuluwo, Lavhuvhili, Lavhuraru, na Lavhuṇa. Zwenezwo, ndi dzhia uri, kha la Vhurathi... na la Vhuṭanu, la Vhurathi, na Pfundo la Vhusumbe, hu na khonadzeo ya uri a do lapfa nga maanda. Ngauralo, khamusi zwi do ni nea tshifhinga tshiṭuku tsha u fara u awela huṭuku.

¹⁸ Ri pima u thoma dzitshumelo fhano, ndi a tenda, nga awara ya sumbe, kha masiku a vhege. Huno nne ndi do tea u vha kha pulatifomo nga hafu u bva kha awara ya sumbe, kokotolo. Huno zwenezwo izwo zwi nga ri bvisa vhukati ha vhusiku. Ngauralo—ngauralo, ndo—ndo fhira nga awara, nga matsheloni ano. Ndo vha ndi sa khou amba izwo, ndo tou... A thi divhi uri lini.

¹⁹ Ngauri, a thi divhi uri munameli wa u thoma ndi nnyi. A thi divhi wa Vhuvhili, wa Vhuraru, wa Vhuṇa, wa Vhuṭanu, wa Vhurathi, kana Pfundo la Vhusumbe. Nne, u swika nga itsi tshikhathinyana, a thi divhi. Ni a vhona? Nne ndo ditika nga Ene. Ngauralo izwo ndi ngazwo, ndi tshi khou lingedza ino vhege, nga tshilidzi tsha Mudzimu uri tshi thuse, ri tshi tenda uri, arali ni tshi pfectesa nga ngoho... .

²⁰ Inwi ni a divha, kha mabono, ni nga si kone u dzumbulula zwithu u swika ni tshi tendelwa u zwi dzumbulula. Ndi kangana noṭhe no mpfa ndi tshi ri, "Iyani nduni, ḥanwe muṇadzi u do vha u hafha. Huno uyu muṇwe ḥwana, kana muṇwe-vho, a nga si fhodzwe u swika uyo o no ladzwa hafha." Ndi nga si kone u vha vhudza, kana nahone ndi nga si u sudzuluse heneffo. U tea u ralo, u sudzuluwa, nga inwe ndila. Muṇwe muthu-vho u tea u u dzhia huno a u sudzulusa. Huno, tshiñwe na tshiñwe nga nzudzanyo, zwenezwo tshi nga kona u dzumbululwa.

²¹ Ngauralo zwino ivhani thabeloni. Zwino, ri sa athu sendela kha Bugu, kha ri ambe Nae, zwifha^{tu}wo zwashu two kotama.

²² Murena Yesu, ri^{ne} ri vha songo edanaho tsho^{the}. A ri nga lingedzi, nga iñw^e ndila, u sendela iyi Bugu khethwa, nga iyi awara khethwa nga maandesa ine mimuya yo nembelela kha tshikhala tsha tshifhinga, hu si na u vhudzisa, Murena, uri, onoyo Muthihi fhedzi ane a nga dzumbulula iyi Bugu, uri A de phanda zwino, a tshi khou fha^tutshedza vhu^{lidin}i vhu shayaho nungo ha mulanda Wau. Fha^tutshedza Ipfi musi Li tshi ^{tu}wa. Ngavhe Li tshi ^{tu}wa nga maanda a Muya. Huno ngavhe mavu a tshimuya a... avho vha re na ndala na dora la u divha u luga na u divha lufuno lwa Mudzimu, ngavhe Li tshi wela ngomu heneffo huno la bveledza zwa lushaka Lwalo. Zwi tendele, Murena. Thendo dzo^{the} dzi do vha Dzau. Ngavhe vho farwaho nga ndala na vha re na dora vha tshi wana zwiliwa na zwinwiwa, madekwana a ⁿamusi, zwi bvaho kha Ipfi. Ri a zwi humbela Dzinani la Yesu, ane nzumbululo ya vha Yawe. Amene.

²³ Zwino, zwino ri khou ya kha ndima ya vhu5. Zwino, aya a si Mapfundo a Sumbe. Ndi vhaka vhukati ha zwikhathi zwa tshivhidzo na Mapfundo a Sumbe. Zwino, hu na ndima ya vhu6 ya...

²⁴ Huno ho vha hu na ndima ya vhu4, kha ndi ralo, ya Nzumbululo, huno, kha iyo, yo nga i ya dzumbulula tshiñwe tshithu tshi no do itea nga murahu ha u ya ntha ha Tshivhidzo. Izwo, Tshivhidzo tshi ya ntha kha ndima ya vhu3 ya Nzumbululo, huno a tshi vhui murahu u swika nga ndima ya vhu19 ya Nzumbululo. Ni a vhona? Ngauralo-ha, Tshivhidzo tshi pfukiwa nga Ma^ñtungu. Ndi a divha uri izwo two fhambana nga maanda na-na mudededzi muñwe na muñwe we nda vhuya nda amba nae. Fhedzi a—a—a thi khou amba u vha a sa tendi. Ndi—ndi khou amba u vha mukomana wanu, fhedzi ndi—ndi fanela u funza zwezwo ndi tshi kona u Li vhona. Arali ndi sa khou ralo, ndi nga si kone u Li vhea fhethu huthihi, inwi ni a vhona. Huno zwino, uri kana Li ya ntha Ma^ñtungu a sa athu da kana nga murahu ha Ma^ñtungu, ndi ^{to}da u ya ntha Nalo. Itsho ndi tshone tshithu tshihulwane.

²⁵ Ngauralo, izwo zwithu ri—ri tou vha hu uri ri khou tou anganya, ngauri, hu si na pfunzo, ndi a fanyisa. Ndi a sedza huno nda vhona zwine zwa vha zwone, kana zwe zwa vha zwi zwone kha Testamente Ndala, ine ya vha tshifanyiso kana murunzi wa Ntswa, zwenezwo ndi na muñwe muhumbulo wa uri Ntswa ndi mini. Ni a vhona? Vhunga arali... Noaxe o dzhena gungwani mat^hupho a sa athu dzhena, tshifanyiso; fhedzi na phanda ha Noaxe, ni a vhona, a tshi dzhena gungwani, Henokho o gonya, ni a vhona, hu sa athu bvelela tshiñwe tshithu. Huno Loto o vhidzelwa nnda ha Sodoma hu sa athu dzhena kupida kuthihi kwa ma^ñtungu, kwa tshinyadzo; fhedzi Abrahamu, tshifhinga tsho^{the}, o vha e nga nnda hawo. Ni a vhona, zwifanyiso.

²⁶ Fhedzi zwino ri do vhala iyo ndimana ya u 1. Ndi do vhala mbili dza u thoma kana tharu ndimana Dzayo.

Huno nda vhona kha tshanda tsha u la tsha uyo we a dzula kha yone khuluñoni bugu yo nwaliwaho nga ngomu na nga nn̄da, yo pfuñelwa nga mapfundo a sumbe.

Huno nda vhona muruñwa wa maanda a tshi khou amba nga ipfi lihulu, Naa ndi nnyi o fanelaho u vula bugu, na u vhofholola mapfundo ayo?

Huno a hu na muthu ngei t̄adulu, kana kha liphasi, na nga fhasi—na nga fhasi ha liphasi, we a vha a tshi kona u vula bugu, kana u sedza kha Yone. (Ndi Bugu-de nandi!)

Huno nda tswimila nga maanda, ngauri a hu na muthu we a wanala o fanelo u vula na u vhala bugu, kana u sedza khayo.

²⁷ Zwino, inwi ni amba nga ha u sa fanelo? “Hu si na we a vha o fanelo u sedza Khayo; a hu na munna, huiwe fhethu.”

Huno muñwe wa vhahulwane a ri kha nne, U songo tswimila: vhona, Ndau ya lushaka lwa Yuda, Mudzi wa Dafita, o kunda uri a nga vula bugu, na u vhofholola mapfundo a sumbe ayo.

Huno nda vhona, huno, vhonani, vhukati ha khulunoni na zwivhanda zwiña...vhukati ha vhahulwane, ho ima Ngwana vhunga yo no vhulawa, i na ñanga dza sumbe na maño a sumbe, a re Mimuya ya Mudzimu ya sumbe yo rumelwaho kha liphasi lothe.

Huno a da huno a dzhia bugu kha tshanda tsha u la tsha uyo o dzulaho kha khuluñoni.

²⁸ Ri do awela heneffo lwa zwikhathinyana zwi si gathi, kha u vhala ha Nzumbululo ya 5, u tsela fhasi u katela ndimana ya vhu7.

²⁹ Iyi Bugu ya Mapfundo a Sumbe yo dzumbululwa nga tshifhinga tsha Mibvumo ya Sumbe ya Nzumbululo ya 10, zwino, arali ni tshi khou i swaya fhasi. Kha ri ye kha Nzumbululo ya 10, lwa tshikhathinyana fhedzi, u itela uri ni wane pfectesero ri sa athu dzhena khayo. Zwino, izwi ndi nga tshifhinga tsha vhufhelo. Ngauri, thetshellesani:

...Nda vhona muñwe muruñwa wa maanda a tshi tsela fhasi a tshi bva t̄adulu, o ambara gole: huno musingavhadzimu...kha thoho yawe,...

³⁰ Arali na dzhieila nzhele, uyo ndi Kristo, ni a vhona. Ngauri, Ene, kha Testamente Ndala, o vha a tshi pfi Muruñwa wa Mulanga. Huno ene U khou da o livhana na Vhayuda zwino, ngauri Tshivhidzo tsho khunyelela. Ni a vhona? Zwo luga.

*...huno tshifhātuwo tshawe...tshi tshi nga ḫuvha,
huno milenzhe yawe i tshi nga khavhu dza mulilo:*

- ³¹ Inwi ni a elelwa uyo Muruňwa kha Nzumbululo ya 1? Zwenezwo zwithihi. *Muruňwa* ndi “mudinda.” Huno Ndi Mudinda kha Israele. Ni a vhona? Tshivhidzo tsho takulelwa n̄tha, ni a vhona, zwino, kana tshi khou lugela u takulelwa n̄tha. U delà Tshivhidzo Tshawe. Zwino sedzesani.

*Huno tshandani tshawe o vha e na bugu ḫukhu yo
vuleaho:...*

- ³² Zwino, *hafha*, Yo vha yo vala hafha nahone yo pfuelwa; huno *hafha* Yo vulea. Yo vuliwa. U bva kha tshifhinga tsha u pfuelwa, ri khou dzhena khatsho madekwana a namusi, zwino Bugu yo vuliwa. “Bugu ḫukhu tshandani Tshawe, kha Tshawe... Yo vha yo vuliwa. Oo, ndila ye ḫuvha, vhunga dzikhavhu...” Itonu lindela muniti fhedzi. I ri ni ndi thome hafha murahu huno ndi vhale.

*Huno tshandani tshawe o vha e na bugu ḫukhu yo
vuliwaho: huno a vhea mulenzhe wawe wa tsha u la
kha lwanzhe, huno mulenzhe wawe wa tsha monde
kha liphasi,*

*Huno a lila nga ipfi lihulu, vhunga musi ndau i tshi
vhomba:...*

- ³³ Ri a zwi ḫivha uri Ndi ene Ndau ya lushaka lwa Yuda. Nga *hafha* Ndi ene Ngwana; fhedzi *hafha* Ndi Ndau. Ni a vhona?

*...huno musi o no vhidzelela, mibvumo ya sumbe ya
amba maipfi ayo.*

- ³⁴ Zwino, Yohane o newa ndaela ya u nwala zwe a zwi vhona, ngauralo muapostola, na muporofita, a doba pene yawe uri a I nwale.

*Huno musi mibvumo ya sumbe yo no amba maipfi
ayo, ndo vha ndi tshi toda u nwala: huno nda pfa ipfi li
tshi bva ṭadulu li tshi ri kha nne, Pfunela izwo zwithu
zwe mibvumo ya sumbe ya zwi amba, huno u songo
zwi nwala.*

- ³⁵ Zwino, izwo ndi zwine ra sa zwi ḫivhe. Izwo zwi kha di do dzumbululwa. A zwi kha Linwalo Likhethwa, zwine iyo Mibvumo ya amba.

*Huno muruňwa we nda mu vhona o ima kha
lwanzhe na kha liphasi a imisela zwanda zwawe
ṭadulu, (zwino thetshellesani)*

*Huno a ana nga uyo a tshilaho u ya lini na lini, we a
sika one maṭadulu, na zwithu zwi re ngomu heneffo,
na liphasi, na zwithu...ngomu heneffo, huno...uri
hu nga si tsha vha na tshifhinga:*

- ³⁶ Sedzesani! Ngeyi ndimana ine nda ṭoda u ya khayo.

Fhedzi mađuvhani a ipfi la muruňwa wa vhusumbe, musi a tshi do thoma u huwelela, tshiphiri tsha Mudzimu tshi do khunyelela, vhunga o no vha divhadza vhalanda vhawe vhaporofita.

³⁷ Zwino, ni a vhona, tshiphiri tsha iyi Bugu ya Mapfundo a Sumbe tshi do dzumbululwa kha u huwelelwa ha Mulaedza wa muruňwa wa tshivhidzo tsha vhusumbe. Ni a vhona? "Muruňwa wa vhusumbe u thoma u huwelela," huno henehfo hu na Malaedza yo nwaliwaho henehfo nnda, huno ri Nayon ga theiphi na nga tshivhumbeo tsha bugu. Zwino, "U rangani ha u huwelela Mulaedza, tshiphiri tsha Mudzimu tshi tea u khunyelela, ni a vhona, nga itsho tshifhinga." Zwino ri do dzhieila nzhele. Bugu, ya tshiphiri tsha Mudzimu, a yo ngo dzumbululwa u swika Mulaedza wa muruňwa wa vhusumbe u tshi huwelelwa.

³⁸ Zwino, idzi mbuno dzi do vha na ndeme kha Mapfundo, ndi na ngooho, ngauri Dzi fanela, tshipida tshiňwe na tshiňwe, dzi vhofhekane.

³⁹ Zwino, Zwo nwaliwa lu mangadzaho, ngauri a hu na munna, huiwe fhethu, a no Zwi divha. Mudzimu e eþe, Yesu Kristo, ni a vhona. Zwino, fhedzi ndi... Ndi Bugu, Bugu i mangadzaho. Ndi Bugu ya Thengululo. Ri do dzhena kha izwo, nga tshikhathinyana. Huno zwino ri a divha uri iyi Bugu ya Thengululo a i nga pfectesiwi nga hoþe; I a odisisa, nga kha zwikhathi zwa tshivhidzo zwa rathi. Fhedzi vhufheloni, musi muruňwa wa vhusumbe a tshi thoma u huwelela tshiphiri tshawe, u umekanya magumo oþe e avha vhathu vha a odisisa. Huno zwiphiri zwi bva ha Mudzimu, vhunga Ipfi la Mudzimu, huno zwi dzumbulula nzumbululo yoþe ya Mudzimu, zwenezwo Vhumudzimu na tshiňwe na tshiňwe-vho tsho dzudzanye. Zwiphiri zwoþhe, mbeu ya nowa, na zwiňwe-vho zwo engedzeaho, zwi do dzumbululwa.

⁴⁰ Zwino, ni a vhona, nne a thi khou tou ita izwo. Izwo ndi zwe... Ndi U RALO MURENA. Ndi do ni vhalela Yone kha Bugu, "U huwelelwa ha Mulaedza wa muruňwa wa vhusumbe, tshiphiri tsha Mudzimu tshi tea u khunyelela, tsho divhadzwaho nga vhaporofita Vhawe vhakhethwa," avho ndi vhaporofita vho nwaliwaho Ipfi. Kha u huwelela, ha tshikhathi tsha vhusumbe tsha tshivhidzo, tshikhathi tsha u fhedza tsha tshivhidzo, magumo oþe o vhoþholowaho, uri nga kha izwi zwikhathi zwa tshivhidzo zwo odisisa, zwi do umekanya zwoþhe fhethu huthihi.

⁴¹ Huno musi Mapfundo o pfuñululwa, huno tshiphiri tsho dzumbululwa, fhasi hu da Muruňwa, Muñinda, Kristo, a tshi vhea mulenzhe Wawé kha shango na kha Iwanzhe, e na musengavhadzimu nga ntha ha ohoho Yawe. Zwino, elelwani, uyu muruňwa wa vhusumbe u kha lifhasi nga tshifhinga tsha u Da uhu.

⁴² U tou fana na Yohane o vha a tshi khou nea mulaedza wawe, nga tshifhinga tshenetsho tshithihi tshe Mëisia a da nga ayo maduvha. Yohane o zwi divha uri u do Mu vhona, ngauri o vha a tshi khou yo Mu divhadza.

⁴³ Huno ri a limuha uri, kha Mañwalo, nga hangei kha Maleaxi ya 4, hu do vha na muñwe vhunga Yohane, ene—ene Eliya kha uyo ane Ipfi la Mudzimu li nga da khae. Huno ndi wa u dzumbulula, nga Muya Mukhethwa, zwiphiri zweithe zwa Mudzimu, huno a vhuyedzedza Lutendo lwa vhana murahu kha lutendo lwa vhokhotsi vha vhuapostola, u vhuyedzedza murahu izwi zwiphiri zweithe zwa zodisiswa, nga kha iyi miñwaha ya dinomineisheni. Zwino, izwo ndi zwe Ipfi la amba. Ndi tou vha na vhudifhinduleli ha zwe La amba. Ni a vhona? Lo, Lo nwaliwa, lo luga. Izwo ndi zwine La vha zwone.

⁴⁴ Zwino, ri a vhona uri iyi Bugu ya Mapfundo a Sumbe, zwino, ndi tshiphiri tsha thengululo. Ndi Bugu ya Thengululo, i bvaho ha Mudzimu.

⁴⁵ Zwino, izwi zwiphiri zweithe, nga tshino tshifhinga, zwi tea u khunyelela kha u huwelela ha uyu mudinda. Zwino, *hafha* ndi muruñwa kha lifhasi; huno “muñwe” Muruñwa, Mudinda wa maanda, u a tsa. Ni a vhona, *uyu* muruñwa o vha e muruñwa wa lifhasi, mudinda; fhedzi *hafha* hu da Muthihi fhasi a tshi bva Tađulu, mulanga wa musengavhadzimu, ni a vhona, ndi Kristo fhedzi we a kona u vha ene.

⁴⁶ U tou fana kokotolo vhunga zwe zwa vha zwi zwone kha Nzumbululo, ndima ya 1, “O ima vhukati ha Zwiłomambone zwa Sumbe zwa Musuku, e na musengavhadzimu, u sedza kha jasipere na tombo la saradisi.”

⁴⁷ Huno hafha U a vhuya murahu, kha ndima ya vhu10, nga murahu ha tshifhinga tsha u da tshire zwiphiri zweithe zwa do khunyelela huno Mapfundo a pfuñululwa, huno a tshi bula zwine a vha zwone, “Tshifhinga a tshi tsheeho.” Huno A ri, “Musi muruñwa wa vhusumbe o no thoma u huwelela, zwenezwo tshiphiri tsho tea u khunyelela, na tshifhinga tsha uri Muruñwa a bvelele.” Ri tsini, huñwe fhethu. Ndi zwone. Zwino dzhielani nzhele.

⁴⁸ Mapfundo a Sumbe o fara tshiphiri tsha Bugu. U swika ri tshi nga kona u vhona zwe ayo Mapfundo a Sumbe a pfuñela ngomu, ri khou tou anganya uri izwo zwithu zwe ralo. Ngauri, vhunga ndo ni vhudza, matsheloni ano, kha Mulaedza muñuku wanga matsheloni ano, wa Mudzimu a tshi dzumbama nga u nyadzea. Inwi ni a vhona, riñe—riñe ri... Ri na ngoho ya u pfukiwa nga tshithu nñdani ha musi Tshone zwa vhukuma, zwa vhukumakuma tsho dzumbululwa nga Muya Mukhethwa, nahone tsho khwañhisidzwia zwi fanaho. Ni a vhona? Arali muporofita a tshi vuwa huno a ni vhudza uri Itshi tshi tou vha Itsho, huno Mudzimu ha khwañhisidzi

u fana, zwi hangweni. Ni a vhona? Fhedzi Mudzimu, kha tshitatamennde tshiñwe na tshiñwe, kha tshinwe na tshiñwe, u tea u Tshi khwañisedza, u Tshi ita uri tshi luge. Ni a vhona? Ngauralo, vhana Vhawe vha do sedza izwo zwithu, ni a vhona, huno vha fhañwa, dzhielani nzhele.

⁴⁹ Mapfundo a Sumbe kha Bugu, a na....Aya Mapfundo a Sumbe a na Bugu yo pfuñelwaho. Ni a vhona? Bugu zwa vhukuma yo pfuñelwa. Naa ni a i vhona? [Tshivhidzo tshi ri, "Amene."—Mudz.] Bugu zwa vhukuma ndi Bugu yo pfuñelwaho u swika Mapfundo a Sumbe o no pfuñululwa. Yo pfuñelwa nga Mapfundo a Sumbe. Zwino, izwo zwo fhambana na Mibvumo ya Sumbe. Ni a vhona? Aya ndi Mapfundo a Sumbe a re kha Bugu. Huno Bugu a i nga vhi, Mapfundo a nga si vhofhololwe u swika Mulaedza wa muruñwa wa vhusumbe. Ni a vhona? Ngauralo rine—rine ri dzhia zwo ralo; fhedzi nzumbululo ya vhukumakuma ya Mudzimu i do itwa yo fhelelaho kha uho u huwelela, Ngoho yo khwañisedzwaho. Zwino, izwo ndi zwone kokotolo zwine Ipfi la amba, "Tshiphiri tshi tea u khunyelela nga itsho tshifhinga."

⁵⁰ Huno iyi Bugu ya Mapfundo a Sumbe, elelwani, Yo valwa hafha, kha Nzumbululo ndima ya vhu5, na kha Nzumbululo ndima ya vhu10 I a vuliwa.

⁵¹ Huno zwino ri khou yo vhona zwine Bugu ya amba nga ha uri I nga vulwa hani. Huno a zwi divhadziwi u swika Ngwana i tshi dzhia Bugu, huno ya pfuñulula Mapfundo, huno ya vula Bugu. Ni a vhona? Ngwana i tea u dzhia Bugu.

⁵² Yo dzumbiwa. Zwino elelwani, "A hu na munna ngei Tađulu, a hu na munna kha lifhasi," mupapa, mubishopo, mukhadinala, tshifhe wa muvhuso, kana onoyo a re ene, "a nga kona u pfuñulula ayo Mapfundo, kana u dzumbulula Bugu, nga nn̄da ha Ngwana." Huno ro no ḥodisisa, huno ra dzhia zwo ralo, huno ra khukhulwa, huno ra mangala, huno—huno itsho ndi tshone tshi itisaho uri rothe ri vhe kha ndaño yo raloho.

⁵³ Fhedzi nga pfulufhedziso ya Mudzimu ya uri iyi Bugu ya Thengululo i do vulwa lwo fhelelaho nga Ngwana, huno Mapfundo ayo a do vhofhololwa nga Ngwana, kha maduvha a u fhedzisela ane ra tshila khao zwino. Huno ha divhadziwi u swika Ngwana i tshi dzhia Bugu huno ya pfuñulula Mapfundo. Ngauri, elelwani, Bugu yo vha yo farwa zwandani zwa Uyo o dzulaho kha Khulunoni. "Huno Ngwana i da kha Uyo o dzulaho kha Khulunoni, huno i dzhia Bugu kha tshanda tsha u la Tshawe." I dzhia Bugu! Oo, izwo ndi zwa ngoho. Ri do lingedza u zwi tandulula arali ri tshi nga kona, nga thuso ya Muya Mukhethwa. Zwino ri khou ditika nga Ene. Huno ri do vhona, ngavhuya, ndi kha tshifhinga tsha vhufhelo, "Musi tshifhinga tsho no fhela."

⁵⁴ A hu na dinomineisheni dzine dza vha na pfanelo ya u talutshedza Bugu. A hu na munna a re na pfanelo ya u Zwi

talutshedza. Ndi Ngwana I no Zwi talutshedza. Huno Ngwana ndi Yone I Zwi ambaho, huno Ngwana i ita Ipfi uri li divhee, nga u khwathisedza na u disa Ipfi kha Vhutshilo. Ni a vhona? Kokotolo! Dzhielani nzhele. Huno a two ngo dzumbululwa u swika . . .

⁵⁵ Iyi Bugu a yo ngo dzumbululwa u swika zwikhathi zwa tshivhidzo na zwikhathi zwa dinomineisheni two no fhela, “huno a hu tshe na tshifhinga.” Ni a zwi vhona? Zwi dzumbululwa fhedzi nga murahu ha zwikhathi zwa tshivhidzo na zwikhathi zwa dinomineisheni two no fhela.

⁵⁶ Itshe ndi tshone tshi itisaho uri tshithu tshi vhe kha u timatimisa ho raloho madekwana a ḥamus. Ni a vhona, vha doba pfunzo ṭukhu, huno vha gidima u bva *hafha* u ya siani ḥithihi, ha pfi, “Ili ndi Lone!” Muṇwe u doba iñwe pfunzo, a gidima u bva siani *iļi*, ha pfi, “Ili ndi Lone!” Huno muṇwe na muṇwe u fhaṭa dinomineisheni fhasi həzwo, u swika ro no vha na dinomineisheni dza madana. Fhedzi naho two ralo, khazwo zweṭhe, u vhona ndado, vhathu vha a mangala, “Naa Ngoho ndi mini?” Arali izwo hu si nyimele ḥamus!

⁵⁷ Fhedzi zwenezwo U fulufhedzisa, uri, “Musi itshe tshifhinga tsho no khunyelela, hu do vha na u huwelela ha ipfi la muruṇwa wa vhusumbe, huno zwenezwo Bugu i do dzumbululwa, ni a vhona, nga itshe tshifhinga.”

⁵⁸ Zwino, ni songo ri, a hu na muthu, “Avho vhathu a vho ngo tshidzwa ngeyo murahu.”

⁵⁹ Fhedzi, zwiphiri, zve vha sa kone u zwi pfesesa! Nga ndila ine Mudzimu a nga vha vhararu huno, naho two ralo, Muthihi! Ndila ine Luṇwalo lu nga ri, “Lovhedzani nga Dzina la Khotsi, Murwa, Muya Mukhethwa,” huno na rembuluwa huno na ri, “Lovhedzani nga Dzina la Yesu.” Ni a vhona? Oo, zwithu zwinzhi nga maanda! Naa Efa a nga la hani apula huno a vhanga u—u pwashékana ha shango ḥoṭhe? Ni a vhona? Naa izwi zwithu zwi nga vha hani? Fhedzi izwo zwiphiri two fulufhedzisa u dzumbululwa tshifhingani tsha vhufhelo.

⁶⁰ Ndi zwiṭuku, magumo o vhofholowaho ane . . . Aya maswole mahulwane o da vhuponi, vhunga Irenaeus, na Martin, Martin Mukhethwa, na Polycarp, na vho fhambanaho, na Luther, na Wesley, na avha vhoṭhe. Ni a vhona? U ya nga ha uri vho da hani huno vha tshila lwo lapfaho lwo eđanaho u—u nga vha a disa tshedza huno vha tshi penyisa, fhedzi vho sia zwithu zwinzhi kha—kha swiswi. Ha da Tshikhathi tsha Pentekoste, vhunga Tshikhathi tsha Luther, huno vha gidimela nnđa kha matavh. Fhedzi naho two ralo, two luga, ni songo ri vho vha vha songo luga. Vho vha vho ralo. Fhedzi hu na magumo o vhofholowaho o salaho, a nga si kone u talutshedzwa. Fhedzi zwenezwo kha . . . Ndi ngani? Mapfundu ho ngo pfunululwa, u dzumbulula nga hoṭhe zwine zwithu zwa vha zwone. Ni a vhona?

⁶¹ Fhedzi zwenezwo, kha tshikhathi tsha u fhedzisela, izwi zwiphiri zweithe zwi tea u tandululwa na u newa nn̄da. Huno Mapfundo a tea u vulwa nga Ngwana, huno a dzumbululwa kha Tshivhidzo, huno zwenezwo tshifhinga a tshi tsheeho. Ni a vhona? Zwi mangadza hani! Zwenezwo, Bugu, zwenezwo, ndi Bugu ya Thengululo. Ngauri, zwenezwo Li ya phanda . . .

⁶² Huno ri do dzenisa ngomu, ngavhuya, uri vha zwigidi zwa madana a dafuina na mina vha dzeniswa hani, na zwinwe-vho. Zwo luga. Uyo ndi Muyuda.

⁶³ Zwino, zwino, Paulo. Kha ri vhale zwiukunyana. Ndi wana mañwe a haya Mañwalo, huno ndi elekanya uri ri tea u—u A vhala. Zwino rothe kha ri rembulutshele; Paulo, kha Vhaefesa ya 1.

⁶⁴ Vhanzhi vhavho ndi a vha vhona vha tshi khou nwala. Vha na dzibugu nahone vha khou nwala Maiwalo fhasi, vha tshi khou a swaya ngomu Bivhilini dzavho, u itela tshaini. Ngauralo, izwo—izwo ndi zwavhuđi. Ndi takalela vhoinwi ni tshi ita izwo, huno zwenezwo na ya hayani huno na A guda. Ni a vhona? Huno—huno arali ni tshi Li guda, inwi muñe, zwenezwo ni do—ni do Li pfesesa vhukhwine. Ni a vhona? Itonu Li guda, huno ni humbele Mudzimu uri a ni thuse u pfesesa.

⁶⁵ Zwino kha ri vhale lwone—lwone Luñwalo lune nda vha nalwo lwo nwaliwaho hafha fhasi. Vhaefesa 1:13 na 14, zwino.

Kha we ra fulufhela, nga murahu ha musi no no pfa ipfi la ngoho, huno mafhongo-madjifa a tshidzo yanu: kha we...nga murahu ha musi no no tenda, no pfunelwa nga Muya mukhethwa wa pfulufhedziso,

Zwine zwa vha muthetshelo wa ifa lashu u swika kha thengululo ya thundu yo rengiwaho, u isa kha thendo ya vhugala hawe. Ni a vhona?

⁶⁶ Zwino, musi ro vula Mañwalo, kha ri . . . Ni a vhona, Muya Mukhethwa hafha, Wone une, ndi Pfundo. Muya Mukhethwa ndi Pfundo. Huno Pfundo li amba (mini?) mushumo wo khunyelelaho, Muya Mukhethwa ndi Pfundo kha muthu. Huno kha uyo muthu, musi a tshi tanganedza Muya Mukhethwa, zwenezwo tshifhinga tshawe tsha u gomela tsho fhela, ni a vhona, ngauri ndi mushumo wo khunyelelaho.

⁶⁷ Vhunga, ndo vha ndi tshi anzela u shumela khamphani ya tshiporo, huno ri tshi laisa goloi dza mabogisi dzi na zwikotikoći na zwithu zwe fhambanaho zwi bvaho kha limaga la zwikotikoći. Huno, fhedzi, zwenezwo, modoro u sa athu pfunelwa, sipikićere u a da, u vhona arali modoro wo laiswa nga ndila yone. Arali zwi songo ralo, [Mukomana Branham u vhanda zwanda zwawe luthihi—Mudz.] lwa u thoma tsho kwanyeledza nga tshinwe tshithu, zwi do balanganya zwithu huno zwa zwi vunda, huno—huno khamphani ya tshiporo yo vha i na vhudlifhinduléli.

Huno itsho sipikiṭere tshi do linga tshiñwe na tshiñwe, u vhona arali tsho vha tshi fhethu nga ndila yo teaho. Arali tsho vha tshi songo ralo, o haṭula modoro. Zwenezwo ro do tea u dovha ra zwi ita, u swika sipikiṭere o no fushea. Huno zwenezwo musi sipikiṭere o fushea, u vala vothi. Sipikiṭere u vala vothi. Huno sipikiṭere u vhea pfundo khawo, huno zwenezwo a hu na ane a nga vunda ili pfundo u swika u tshi swika kha vhuyo halwo.

⁶⁸ Izwo ndi zwe Muya Mukhethwa wa vha u tshi khou ita. Ni a vhona? U a ya huno Wa ḥola. Itsyo ndi tshone tshi itisaho uri ni si kone u vha na izwi zwithu huno... Inwi ni ri, "Ndo amba nga dzindimi, huno ndo ṭavha mukosi, huno nda tshina Muyani." Izwo a zwi na mushumo Nazwo. Ni a vhona? Muya Mukhethwa u ḥola uyo muthu u swika O no fushea nga hoṭhe nahone a tshi ḫivha zwine a vha zwone.

⁶⁹ Zwenezwo, two pfunelwa u ya kha vhuyo tsha U Ya Nga Hu Sa Fheli. A hu na tshithu tshire tshi nga vhuya tsha vunda ilo Pfundo. Bivhili... Inwi ni khou vhea Luñwalo lwanu fhasi. Vhaefesa 4:30, yo ri, "Ni songo ṭungufhadza Muya mukhethwa wa Mudzimu, we na pfunelwa ngawo u swika ḫuvha la Thengululo." Farani ilo ipfi, "thengululo," ni a vhona. U swika ḫuvha line Bugu ya Thengululo ya vha yo dzumbululwa, huno Murengululi a da u whila thundu Yawe! A hu na tshire tshi nga zwi ita. Ni a vhona? "Ni songo U pfisa vhuṭungu." Dzulan... Itani zwithu zwi no takadza Mudzimu, ngauri Bugu yo pfunelwa, zwino, na inwi no pfunelwa. Muya Mukhethwa, Wone une, ndi Pfundo.

⁷⁰ *Pfundu* li khwaṭhisidza... Zwino, aya ndi maipfi e nda a wana kha ḫalusamaipfi. *Pfundu* li amba "mushumo wo khunyelelaho." Huno musi Pfundo la Vhusumbe lo no pfunululwa, tshiphiri tsha Mudzimu tsho pfunelwaho kha aya Mapfundo a mangadzaho tsho khunyelela. U swika ḫuvha line ilo Pfundo la pfunululwa, huno zwenezwo two dzumbululwa zwi re ngoro Hało.

⁷¹ Arali munna a tshi khou mangala zwi re ngoro ha uyo modoro wa bogisi, ha pfi, "Hu tea u vha na *itsyo-na-tshila*. Hu tea u vha nga u ralo." U dzhia two ralo. Fhedzi musi pfundo lo pfundululwa, huno vothi lo vulea, ri vhona ngoro halo zwenezwo huno ra vhona kokotolo zwi re ngoro henefho.

Inwi ni a zwi vhona? Huno izwo zwi do itwa fhedzi tshifhingani tsha vhufhelo.

⁷² Tshiñwe tshithu tshire Pfundo la amba, ndi "vhulangi." Ni a vhona, Pfundo li na luswayo Khało, li sumbedza vhune. Musi ni tshi rengiwa nga Malofha a Yesu Kristo, huno ni tshi pfundelwa nga Muya Mukhethwa, inwi a ni tsha vha wa shango kana tshiñwe tshithu tsho teaho shango. Ni wa Mudzimu.

⁷³ Tshiñwe tshithu, ndi, Pfundo ndi "tsireledzo." Pfundo ndi uri ni a tsireledzwa. Zwino, vhoiwi vhane na sa tende kha tsireledzo

ya U Ya Nga Hu Sa Fheli, a thi *divhi*, ni a vhona. Fhedzi zwino, fhedzi, Pfundo li amba tsireledzo kha vhuyo halwo. Khombo kha uyo munna a no do lingedza u pfuñulula ilo Pfundo! Huno Pfundo la Muya Mukhethwa li nga si kone u pfuñululwa.

⁷⁴ Vhoinwi nothe no mpfa ndi tshi ri vhathe vho ri, “Diabolo o nnyita uri ndi ite *itshi*.” Hai, hai, diabolo ho ngo zwi ita. No tou vha ni songo pfuñelwa ngomu. Ngauri, musi no pfuñelwa ngomu, ene o pfuñelwa nda. Iina. Ni a vhona? Zwino, no bva na ya khae. Uh-huh. Ho ngo kona u dzhena ngomu hanu, ngauri ndila i yothe ya u dzhena ngomu hanu ndi u da nga kuitele kwonokwo kuthihi kwe na ralo. O vha o tea u tshidzwa, u khethefhadzwa, huno a dadzwa Muya Mukhethwa, zwenezwo u do vha mukomana wañu. Ngauralo, inwi ni a vhona, ngauralo ho—ho ngo zwi ita. Hai, hai. Inwi no tou ya kha mutalo wa mukano huno na vhuya murahu, ni tshi khou emula zwithu zwa shango. Inwi na khathihi a no ngo ya ndilani yothe ngomu Kanana, inwi ni a vhona, u budekanya Yorodane, lufu kha vhuñe. Ni a vhona?

⁷⁵ Zwino dzhielani nzhele, zwino, iyi Bugu yo pfuñelwa. Huno—huno inwi no pfuñelwa, na Bugu, u swika Duvha la Thengululo.

⁷⁶ Hafhu, kha Vharoma 8:22 na 23. Kha ri wane izwo, huno ri do nea iyi zwa muñodo, zwenezwo ndi elekanya uri ri do Li pfectesa zwa khwine arali muthu muñwe na muñwe a tshi *divhalela* Yone. Ndi khou ni nea Mañwalo a si gathi hafha, ngauralo ri nga kona—ri nga kona u sedza Khao, huno musi awara i tshi kha di vha ntswa. Zwino, 8, Vharoma 8:22, u thoma.

Ngauri ri a zwi divha uri tsiko yothe i kha di gomela-vho na u songwasongwa-vho nga vhutungu u swika zwino.

Huno a si vhone fhedzi, fhedzi na riñe, vhane ra vha na zwiranzhe zwa u thoma zwa Muya, na riñe vhane ri a gomela-vho ngomu hashu, ro lindela vhukololo, ndi amba, u rengululwa ha muvhili washu.

⁷⁷ Yawee, nnenñe! Yawee, nnenñe! Naa izwo a zwi iti riñe vhathe vha kale uri ri pfe ri vhavhudí? Zwi tea uri ita uri rothe ri pfe ri vhavhudí, ro lindela iyi awara. Ri pfectesa uri izwi zwi do itea kha mvuño ya u thoma. Ni a vhona? Mvelo i khou gomela. Ri khou gomela. Tshinwe na tshinwe tshi khou gomela, ngauri ri a limuha uri hu na tshinwe tshithu tshi songo lugaho. Huno ndila fhedzi ine inwi ni nga gomela, huno na zwi lindela, ndi ngauri ho vha na Vhutshilo vhuswa vhu dzenahao ngomu *hafha*, vhu no amba nga ha Shango liswa.

⁷⁸ Vhunga mufumakadzi hafha, zwi si zwa kale, ro fhira hafha ri tshi ya supamakete. Huno nda ri, “Ro wana tshithu tshisili; mufumakadzi o vha o ambara rokho yawe.” Huno zwo vha zwi zwisili, ni a vhona. Vhone, vhone vha... Kañukuñku

vhone vhoṭhe a vha ambari dzirokho, inwi ni a vhona. Huno, nga iñwe ndila, vha a hangwa; vha ya nn̄da vha si nadzo. Ngauralo zwenezwo riñe... Vhone vha hangwa nga khole.

⁷⁹ Huno ngauralo, zwenezwo, Meda o ri kha nñe, o ri, "Bill, ndi ngani izwo zwo ralo?" a ralo.

⁸⁰ "Oo," nda ri, "hu tou vha maya wa lushaka." Huno nda ri, "Musi ni tshi ya Dzheremane, vha na muñwe maya. Iyani Finland, vha na maya wa lushaka. Inwi ni ña Amerika, ri na maya wa lushaka."

⁸¹ Muya washu wa lushaka ndi wa u tamba, miswaswo. Inwi ni a divha uri ndi ngani? Ro tewa kha Pfunzo ya vhaapostola. Ro vha ri tshi khou tewa kha vhurangaphanda ha vhanna vhahulwane, vhunga Washington, Lincoln. Fhedzi ro sudzuluwa kha uyo mutheo, huno ri a divha uri ri nayo i khou da. Ri a divha uri bomo ya atomiki i na ñzina ñashu lo ñwalwaho khayo. Ri a divha uri vhupuli vhu phanda hashu. A hu na u ñiita matsilu.

⁸² Zwi a nnkhumbudza, vhunga vhañwe vha avha vha litambwa li takadzaho, vha tshi khou tsela fhasi huno—huno vha tshi amba iyi miswaswo, huno nñe ndi tshi khou bvela phanda, huno vhasadzi vha tshi khou bvela phanda nga ndila ine vha ita, huno vhanna, vhoṭhe. Zwi tou ita uri ndi elelwe mutukana muñku a tshi khou ya zwaloni, a tshi khou lidza khombole, a tshi khou lingedza u ñiita uri a tende uri ha tshuwi. Ngoho, u a tshuwa. Ni a vhona? Ha khou ita muñwe muthu tsilu. Izwo ndi ngazwo a tshi khou lidza khombole. Ni a vhona? U khou lingedza u amba uri ho ngo tshuwa, fhedzi o ralo. Huno izwo ndi zwone zwi re thaidzo, ñamusi.

⁸³ Fhedzi, oo, ndi fhulufhelo lo fhatutshedzwaho-de la mutendi, a no imisela zwanda ñha, ngauri thengululo yashu i khou sendela. Musi a tshi vhona izwi zwithu zwi tshi bvelela, ndi tshifhinga tshihulwane kha mutendi.

⁸⁴ Zwino, izwi zwithu, izwo, u gomela mivhilini yashu. Naa no no vhuya na dzhiela nzhele muri, nga ndila ine wa kakarikela vhutshilo? U ñoda u tshila. Huno inwi ni a dzhiela nzhele phukha, ndila ine kha—kha lufu, ndila ine ya kakarika. Inwi ni dzhiela nzhele muthu, tshinwe na tshinwe, mvelo i khou gomela. Riñe, kha riñe vhañe, ri khou gomela. Ni a vhona? Ri a divha uri hu na tshinwe tshithu tsho khakheaho. Ri a vhona, kha idzi dzindimana, uri tshinwe tshithu tsho xela, kha munna na lifhasi. Tsiko ya lushaka luñwe na luñwe, yo xedza tshinwe tshithu, ngauri ri a vhona kha ili Ipfi lo hevhedziwaho uri li khou gomela nga ñthani ha tshinwe tshiiitisi. Inwi, inwi a ni gomeli nn̄dani ha musi hu na tshiiitisi tshazwo.

Vhunga ndo amba nga ha inki, ndi tshiiitisi.

⁸⁵ Iyo ndi ndila kha u rabelela vhalwadze; u swika ni tshi wana tshivhangi! Ndi a divha dzilafho, fhedzi ndi tea u wana

tshivhangi. Izwo ndi ngazwo mabono a tshi Ძodea nga maanda nahone e mahulwane; a dzumbulula tshiphiri tsha mbilu, a vhudza muthu he na ita khakho yanu, na zwine na tea u ita. Ni a vhona? A hu londwi uri ni dzhia mushonga mungafhani, kana ni shululela mapfura mangafhani kha thoho dzavho, kana uri muñwe-who u do ni zhambela hani mukosi; arali hu na tshiñwe tshithu tsho khakheaho, u do vha henehfo. Nda ri “ene,” uyo ndi Sat̄hane.

⁸⁶ Ni a vhona, namusi, vhunga ro bvela phanda nga ndila ine ra vha ngayo, kha mushonga, ri kha di vha vha sa divhi tshithu nga ha izwi zwithu. Inwi ni ri, “U na pfuko.” Zwo luga, itsho a si tshithu. Itscho, itsho—itsho tshi tou nea dzina zwine tsha vha zwone. Itscho tshi nea dzina la mishonga, pfuko. Itscho a tshi na mushumo na zwine tsha vha zwone. Ilo ndi dzina line ra tshi vhidza ngalo. Ri tou tshi vhidza nga dzina, pfuko. Fhedzi, zwa vhukuma, zwine tsha vha zwone, zwi a tshi vundekanya, ndi diabolo.

⁸⁷ Zwino, rine ri ri “tshivhi.” Ri tou tshi vhidza tshivhi. Ri a tshi vundekanya. Naa tshivhi ndi mini? Vhathu vhanzhi vha ri, “U nwa, u ita vhupombwe.” Hai, hai. Izwo ndi zwitaluli zwa tshivhi. Ni a vhona? Izwo ndi zwine tshivhi tsha vhanga, ni a vhona. Fhedzi tshivhi tsha vhukuma ndi u sa tenda. Afho ndi hune—afho ndi hune tsha riniwa huno tsha vhidzelwa nn̄da. Arali ni mutendi, a ni iti izwo zwithu. Fhedzi a hu londwi uri ni lingedza u diita mukhethwa hani, huno ni lingedza u vha wa vhurereli hani; arali ni tshi ita izwo zwithu, ni a sa tendi. Izwo ndi zwa Luñwalo.

⁸⁸ Zwino, tshiñwe tshithu tsho xela, huno tshi khou gomela. Tshi khou lingedza u humela murahu, u humela murahu kha nyimele yatsho ya vhubvo.

⁸⁹ Naa ni nga humbulela muñwe muthu a tshi khou wela kha lifhasi, fhasi ngomu ha mugodi wo tsaho fhasi huñwe fhethu, huno a tshi khou kakarika, a tshi khou namela, a tshi khou kokodza? Vha fanela, nga inwe ndila, u bva kha uyu mugodi. A vhaho kha nyimele yavho ya vhubvo. Huno, vho nyanyulea, vha khou zhamba. Vha khou veta dzimbondo, vha tshi khou ita phosho, kana vha tshi khou ita inwe ndila. Vha khou—vha khou gomela ngauri vha Ძoda u ya murahu kha tshiimo tshavho tsha vhubvo.

⁹⁰ Izwo ndi ngazwo muthu, o rwiwaho nga vhulwadze, u rema na vhutungu. Nga tshiñwe tshifhinga vho vha vha si nga iyo ndila, fhedzi vha khou gomela. Ndi ngani? A vho ngo luga. Hu na tshiñwe tshithu tsho khakheaho. Huno vha khou gomela, huno vha khou lingedza u ya murahu he vha vha vhe hone musi vho vha na mutakalo.

⁹¹ Huno musi myelo na vhathu, vhunga Bivhili yo amba, “vha tshi khou gomela,” zwi sumbedza uri hu na tshiñwe tshithu, uri a vhaho kha nyimele ine vha tea u vha khayo. Vho wa vha

tshi bva huṁwe fhethu. Zwino, a ri ḥodi nnyi na nnyi uri a ri ṭalutshedze izwo. Ni a vhona? Ngauri, a hu na zwiṁwe, ri a divha uri ho vha hu Vhutshilo Vhu Sa Pheli, he vha wa vhe khaho. Huno vho xedza mbilo dzavho kha Vhutshilo Vhu Sa Pheli, nga u wa ha Adamu na Efa, vhe vha wa kha Vhutshilo Vhu Sa Pheli, u ya kha lufu, ngadeni ya Edeni, huno vha ḫisa mvelo yoṭhe, phasi havho, kha lufu.

⁹² Muri na khathihi a wo ngo fa, phanda ha Adamu. Phukha yo vha i si nga fi, phanda ha Adamu. Huno hu na tshithu tshithihi fhedzi tshire tshi si nga fi, huno itsho ndi Mudzimu, ngauri Ndi wa U Ya Nga Hu Sa Pheli. Huno iyo ndi yone ndila fhedzi ine ri nga vhuya ra dzula ri sa fi, ri tea u vha na Vhutshilo Vhu Sa Pheli kha riñe, u vha vharwa na vhananyana vha Mudzimu.

⁹³ Fhedzi musi ri tshi fa, vhunga ndo amba kha Mulaedza matsheloni ano, kha tshivhi, ro rengisa vhutanzhe hashu huno ra budekanya iyi phandekanyo. Zwino ri nga phanda ha u swikelelwa nga Mudzimu, kha ili linwe sia ḫa phandekanyo. Zwino, a hu na zwiṁwe, musi Adamu a tshi wela, kha lufu, o ḫisa lufu kha tsiko yoṭhe.

⁹⁴ Zwino, o ḫewa mbofhollowo ya u nanga. Ho ḫewa vhone u tou fana na rine, u itela u nanga. Zwino, Adamu na Efa, u rangani, ho vha hu na muri wa u luga na u khakha phanda havho, huno wonoyo muri muthihi u dzula phanda ha muṁwe na—na muṁwe washu. Ni a vhona, Mudzimu ha khou itela Adamu kana Efa... Inwi ni ri, “Zwo luga, ndi mulandu wavho.” Hai, zwino a si zwone. Ndi mulandu wañu. Inwi ni nga si u vhee kha Adamu zwino. Inwi ni tea u u vhea kha inwi muñe, ngauri u luga na u khakha ho vhewa phanda hanu. Ri kha theo i fanaho na ya Adamu na Efa.

⁹⁵ Fhedzi, inwi ni a vhona, musi ri tshi rengululwa, a ri tsha ḥoda u nanga hashu, fhedzi ri ḥoda u nanga Hawe. Ni a vhona? Ni a vhona?

⁹⁶ Zwino, Adamu na Efa vho vha vha tshi ḥoda u nanga havho. Vho vha vha tshi ḥoda u ralo, vha tshi ḥoda u wanulusa zwe zwa vha zwi zwone u vha na vhuṭali, ngauralo vho zwi ḥodisisa, huno zwa vhanga lufu.

⁹⁷ Zwino, musi munna o no rengululwa, ha tsha londa ndivhogudwa. Ha tsha londa hafhu zwithu zwa shango, vhuṭali ha shango. Ha tsha ḥoda u nanga na luthihi. Kristo o no vha u nanga hawe, huno izwo ndi zwenezwo fhedzi zwazwo. O rengululwa. U tou vha a si tsha ḥoda u ḫiranga phanda. Ha ḥodi muṁwe muthu a tshi amba nae nga ha hune a tea u ya na zwine a tea u ita. U tou lindela huno a wanulusa u nanga ha Muiti wawe. Ni a vhona? Zwenezwo u a ḫuwa nga Dzina ḫa Muiti wawe, musi Muiti a tshi mu vhudza uri a ye. Ni a vhona?

⁹⁸ Fhedzi munna a tshi ḥoda vhūṭali, u ḥoda u wana, “Zwo luga, fhethu afha ha mufunzi ndi havhuđi nga maända; fhedzi vha mbadela nnzhinyana hangei, ngauralo ndi ḥo ya henengei.” Ni a vhona? Ni a vhona, vhūṭali.

⁹⁹ Zwino, musi Adamu o ita tshivhi, nga u thetshelesa u ṭaṭa ha mufumakadzi wawe vhudzuloni ha u farelela kha Ipfi ḥa Mudzimu, izwo ndi zwe zwa ita uri Adamu a ite tshivhi. Mufumakadzi wawe o ṭaṭa na Sāthane, huno zwenezwo a bveledza tshibveledzwa kha Adamu, huno Adamu a litsha Ipfi huno a rengiswa.

¹⁰⁰ O xedza, na, ifa ḥawe, musi a tshi xedza vhūṭama hawe na pfanelo kha Vhutshilo. Elelwani, “Duvha ḥine na u ḥa, iļo duvha ni a fa. Huno musi o xedza Vhutshilo hawe, o xedza na ifa ḥawe vhutshiloni, ngauri o vha e na ndango khulwane tshothe ya ḥifhasi. O vha e mudzimu wa ḥifhasi. Mudzimu ndi Mudzimu wa ḥifhasi ḥothe, huňwe na huňwe. Fhedzi murwa Wawe o vha na ili ḥifhasi fhasi ha ndango yawe. O kona u amba, o kona u rīna, o kona u amba, o kona u imisa mvelo, o kona u ita tshinwe tshithu tshe a ḥoda u ralo. Ni a vhona? Fhedzi, musi o ita izwo, o xedza ifa ḥawe.

¹⁰¹ Zwino, Adamu o kona u ri, “I ri ni iyi thavha, hafha, i sudzuluwe heneffho,” huno yo vha i tshi ḥo zwi ita. Adamu o kona u ri, “I ri ni uyu muri, hafha, u ḥitupule huno u ḥavhee heneffho,” wo vha u tshi ḥo zwi ita. Ni a vhona? Ngauri o vha e na ndango tshothe, khulwane, sa mudzimu mučuku a re fhasi ha Mudzimu Khotsi ashu, ngauri o vha e murwa wa Mudzimu.

¹⁰² Zwino ri nga ima hafha lwa muniti huno ra wana theroyahukuma! Ni a vhona? Oo! Zwenezwo, arali Malofha o ḥanzwa mučana watsho, mini-ha zwino? Ni a vhona? Sedzani zwe uyo Murwa wa Mudzimu, Adamu wa vhuvhili, a ita. Ni a vhona? Huno a ri, “Mishumo ine Nda ita, na inwi ni ḥo ralo.” Ni a vhona?

¹⁰³ Adamu o xedza ifa ḥawe, ḥifhasi. Zwino, lo fhira tshandani tshawe la ya kha uyo we a li rengisela ene, Sāthane. O rengisa lutendo lwaweha kha Mudzimu, kha u ṭaṭa ha Sāthane. Ngauralo-ha, Vhutshilo Vhu Sa Fheli hawe, pfanelo yaweha kha Muri wa Vhutshilo, pfanelo yaweha kha ḥifhasi, zwo vha zwi zwaweha, huno o xedza tshipida tshinwe na tshinwe zwandani zwa Sāthane. O li fhirisa kha tshanda tshawe la ya kha Sāthane. Ngauralo-ha, zwino, lo ralo, lo vhuya nahone lo no tshikafhadzwa. Huno mbeu ya Adamu yo tshinyadza ifa le Adamu a tea u vha e nalo, li re ḥifhasi. Izwo ndi zwone, ni a vhona, mbeu ya Adamu.

¹⁰⁴ Nda ima, liňwe ḥuvha, ngei fhasi ngei Tucson hune nda dzula. Huno ndo vha ndi tshi khou amba na muňwe, n̄tha ha thavha, ndo sedza fhasi. Nda ri, “Ni elekanyani! Iyo, miňwaha ya mađana mararu yo fhiraho, Papago wa kale a tsela fhasi nga kha heneffho e kha tshinamelwa tshawe, e na

mufumakadzi wawe na vhana vho dzula murahu, a tsimbila o namela heneffo huno a tshila nga mulalo. Ho vha hu si na vhupombwe, hu si na wisiki, hu si na u gembula, hu si na tshithu vhukati havho. Vho tshila vho kuna. Huno mathaga a tsela fhasi kha—kha u ḥanzwa, vhusiku vhuñwe na vhuñwe, nga kha Tucson hafha, a tshi khou tzhemba. Huno miri ya legumini na kakituse yo fhufhuma, u mona hothe kha dziphiliphili. Huno Jehovah a sedza khazwo huno u tea u vha o mwemwela. Fhedzi munna mutshena a da nga iyo ndila, huno naa o itani? O gwa kakituse. O tshikafhadza shango, nga zwikoṭikoti zwa halwa na mabodelo a wisiki. O tshinya mikhwa yavhuđi ya lushaka. Ndila i yothe ye a vha a tshi nga rwa Muindia yo vha i ya u vhulaha zwiliwa zwawe, ḥari.”

¹⁰⁵ Musi ndo vha ndi tshi khou vhala ngei Tombstone, linwe duvha, kha—kha muziamu, huno nda vhona zwifanyiso zwa Geronimo. Huno vhunzhi hanu ni nga di elekanya uri Geronimo o vha e lishandukwa. Kha nne, o vha e Muamerika wa vhukumakuma. O vha a tshi khou lwela fhedzi zwe zwa vha zwo luga, zwe Mudzimu a mu nea: shango, na lushaka, na fhethu ha u dzula. A thi mu vhei mulandu. Huno musi ayo maswole matshena a tshi dzhena ngomu heneffo huno, nga nungo, vha dzhia shango, huno vha tshi vha vhulaha nn̄da vhunga tshivhalonyana tsha thunzi. Huno heneffha ho vha hu na tshifanyiso tsha vhubvo tsha musanda wa mishonga ya Geronimo, kana sibadela tshawe. Ho vha hu na mabai mavhili kana mararu kha tshipida tsha miri ya legumini. Huno avho vho vhaisala, vha vhukuma, Vhaamerika vha vhukumakuma, Vhaindia, vha tshi khou lwela pfanelo dze vha ḥewa nga Mudzimu. Huno heneffho, Geronimo e na lushie lwawe, kha khundu, o ima heneffho o sedza maswole awe, a tshi khou bva malofha, a tshi khou fa, hu si na phenisilini kana tshithu, hu si na ndila ya u vha thusa; vha vhukumakuma, Vhaamerika vho newaho nga Mudzimu! Zwenezwo na mu vhidza lishandukwa? Ndī mu vhidza nzhinga.

¹⁰⁶ Cochise o vha a si nga dinekedzi. O vha e munna wa kale. Fhedzi Mmbi ya Amerika, avho vho ambara vhothe ngomu heneffo, huno vha bva heneffo huno vha do vhulaha ḥari. Vha gidima nyendo ḥukhu nn̄da, huno Sharpe o tumbula tshigidi tsha ḥari, huno vho bva ngeyo nn̄da huno vha ri, “Oo, ndo vha na duvha ḥavhudi ḥamusi,” ndi tshi khou thuntsha, kha linwe sia la—la bogisi la modoro, kana modoro wa vhanamedzwa. Ha pfi, “Ndo vhulaha dza fuiña ḥamusi.” ḥari dza fuiña, dze dza vha dzi tshi do vha dzo vhulunga lushaka lwothe lwa Vhaindia, miñwaha mivhili kana yo engedzeaho. Naa vho itani ngadzo? I ri ni dzi vhe phangani. Mutumbu wadzo wa kale wo dadza mashango, huno wa nukhisira mashango, vha mathaga vha a la.

¹⁰⁷ Musi Muindia o vhulaha ḥari, ho vha hu na vhuñtambo ha vhurereli. O dzhia khwanda dzayo, a dzi vhulunga u ita dzipani. Vha la ḥama yayo, na kha ḥama i re kha lila. Vho

dzhia nama yayo yothe huno vha i nembeledza huno vha i omisa. Mukumba wayo wa omiswa, huno vha ita zwiambaro na dzidennde. Ho vha hu si na tshithu...

¹⁰⁸ Fhedzi, musi munna mutshena a tshi dzhena ngomu, wa lishandukwa ndi munna mutshena. Ndi ene lihwarahwara. Huno u a dzhena ngomu huno a vhulaha idzo ḥari, huno a sikisa avho Vhaindia.

¹⁰⁹ Muńwe munna wa vhukumakuma u do lwela pfanelo dzawe dze a newa nga Mudzimu. Ndi dondo kha fulaga ya Amerika, zwe vha ita kha Muindia wa Amerika. Itali, yo vha i yawe.

¹¹⁰ Naa no vha ni tshi do elekanyani arali Japa...Japan, kana—kana vhańwe, Rashia i tshi do dzhena ngomu, huno ya ri, “Ibvani hafha! Ibvani murahu hafha,” huno—huno ni ri ite na vhana vhashu nga ndila ye ra ita avho Vhaindia? Fhedzi, elelwani, ro zwala, huno zwino ri khou yo kana. Uyo ndi mulayo wa Mudzimu, inwi ni a divha. Hu na tshifhinga tsha u ṭavha, huno zwenezwo tshifhinga tsha khaño. Ndi elekanya uri izwo zwe vhifhesa. Ee, muńe wanga.

¹¹¹ Zwino ho bvelelani? Mbeu yo tshikafhadzwaho ya Adamu yo tshikafhadza nahone ya tshinyadza shango zwa vhukuma. Naa ni a zwi divha uri Bivhili i amba izwo? Huno ngauri o ita izwi, mbeu yo tshikafhadzwaho ya Adamu, Mudzimu u do vha tshinyadza. Inwi ni ṭoda u vhala izwo? Kha ri vhone. Ndi nayo yo ḥwalwa hafha phasi. Kha ri ye kha Nzumbululo, ndima ya vhu11, huno ri do wanulusa. Iyani nga hangei kha Nzumbululo, ndima ya vhu11, huno ri do vhone zwe Mudzimu a amba nga ha avho vha no khou tshinyadza lifhasi. Ndima ya vhu11, huno kha ri dzhie ndimana ya vhu18, ndi a tenda uri ndi yone, 11:18. Riñe ri hafha.

Huno tshaka dzo vha dzo sinyuwa, huno mbiti dzau dzo da (zwino sedzesani mbiti dza Mudzimu), *na tshifhinga tsha vhfafu, uri vha tea u ḥatulwa, na uri iwe u tea u nea malamba vhalanda vhau vhaporofita, na kha vhakhethwa, na kha avho vha ofhaho dzina lau, vhothe vhaṭuku na vhahulwane; huno vha tea u tshinyadza—tshinyadza avho vha no tshinyadza lifhasi.*

¹¹² Naa vha khou yo itani? U kana zwe vha zwala. Ngoho. Musi ni tshi vhona tshivhi tshi tshi khou gidima zwiṭaraṭani! Naa ndi vhangana, nga uvhu vhusiku ha Swondaha, naa ndi vhungana vhupombwe vhu no do itwa muđini uyu madekwana a ḥamusi? Naa ndi vhangana vhasadzi vha no do vunda muano wa mbingano yavho, kha ili dindi ḥituku li re mavuni hafha, a no vhidzwa Jeffersonville? Naa ndi milandu mingana ya vhuthuthathumbu ine na elekanya uri i a rekholowa Chicago, nga mađuvha a furaru? Kha vhukati ha zwigidi zwa fumbiliṭhanu na zwa furaru nga ḥwedzi, nga nn̄da ha izwo zwine zwi sa ḥisiwe ngomu. Naa hu nwiwa wisiki nngafhani

mudini wa Chicago? Naa ni elekanyani uri Los Angeles hu bvelelani nga vhusiku vhuthihi? Naa ndi kanngana Dzina la Murena lo dzhiwa lwa lifhedzi, mudini wa Jeffersonville namusi? Naa ndi khwine zwino, naa zwo vha zwi khwine musi George Rogers Clark a tshi tsela fhasi kha tshifha¹¹³ tshi papamalaho? Inwi ni a vhona, ro tshikafhadza lifhasi zwa vhukuma nga tshika yashu, huno Mudzimu u do tshinyadza avho vha no tshinyadza shango. Mudzimu o amba nga u ralo.

¹¹³ Nne tshifhinga tshothe ndo elekanya uri hu na tshi^{nwe} tshithu fhasi ngomu hanga, vhunga u namela dzithavha huno nda sedza ndila ye Mudzimu a li lugisa.

¹¹⁴ Ndi a vhenga, Florida, he vha wana iyo miri ya mipaine ya mafanedza. Huno, yawee, nnenne, ndi do namba nda vhona ngwena dzi tshi dzinginyisa mutshila wadzo, murahu sogani, u fhira u vhona zwe^{the} zwine vha ambara na zwithu zwine vha ita ngei Hollywood, na zwe^{the} zwine zwa vha na lunako lu kungaho, na tshivhalonyana tsha zwidakwa. Huno, yawee, nnenne, ndi tou elekanya, “Linwe duvha! Linwe duvha!” lina.

¹¹⁵ Fhedzi, elelwani, Bivhili yo ri vhudza, kha Mateo ndima ya vhu⁵, uri, “Vha vhulenda lifhasi li do vha ifa lavho.” Izwo ndi zwone. “Vha vhulenda na vha ditukufhadzaho lifhasi li do vha ifa lavho.” Yesu o ri, “Mashudu vha vhulenda,” vha nyadzeaho vhane vha sa tou lingedza u vha tshi^{nwe} tshithu tshihuluhulu, “lifhasi li do vha ifa lavho.” Yesu o amba nga u ralo. Ee. Zwino vho li tshikafhadza, huno Mudzimu u do vha tshinyadza; fhedzi vha vhulenda lifhasi li do vha ifa lavho, nga murahu ha musi lo no tambiswa.

¹¹⁶ Zwino, yawee, nnenne! Zwino, linwalo la vhune lo dzhiwaho zwino li zwandani zwa Muⁿe wa vhubvo, Mudzimu Ramaandothe. Linwalo la vhune kha lifhasi, na kha Vhutshilo Vhu Sa Fheli, musi Adamu o li xedza; zwenezwo zwanda zwa tshika zwa Sathane zwe kundelwa u li dzhia, ngauralo lo ya murahu kha Muⁿe wa^{lo} wa vhubvo, Mudzimu Ene mune. Ri khou yo li wana, nga muniti fhedzi. Heneffo O dzula kha Khulunoni, e nalwo tshandani Tshawe, linwalo la vhune. [Mukomana Branham u vhanda zwanda zwawe kavhili—Mudz.] Oo, izwo zwi nnyita uri ndi pfe ndi wa vhurereli. Linwalo la vhune la Vhutshilo Vhu Sa Fheli, manweledzo a linwalo la vhune kha Vhutshilo Vhu Sa Fheli, musi Adamu o xeletwa ngaho u itela vhu⁷ali, vhudzuloni ha lutendo, zwo ya murahu kha zwanda zwa Muⁿe, Mudzimu Ramaandothe. Ndi tshithu tshihulwane-de nandi!

¹¹⁷ Zwo luga, ho lindelwa. Naa li khou itani? Zwandani zwa Mudzimu, lo lindela mbilo dza thengululo. O ita ndila ya thengululo, O ita ndila ya u ya murahu, huno linwe duvha Murengululi u do i humisela murahu. Inwi ni a vhona hune

ra khou ya hone zwino? Ri do sedzesa uyu Muthu o dzulaho kha Khulunoni. Zwo luga, ho lindelwa mbilo dza thengululo, thengululo yawe.

¹¹⁸ Naa iyi Bugu ya Thengululo ndi mini, ili liñwalo la vhune, manweledzo a liñwalo la vhune? “Inwi ni ri, ‘manweledzo?’” Naa manweledzo a ambā mini? A ambā uri ho setshiwā ndilani yothe u ya murahu u swika u rangani hazwo. Vhunga ilo liñtuku—vhunga ilo shotha liñtuku la inki matsheloni ano, musi li tshi kwama iyo bilitshi, lo ya ndilani yothe murahu. Huno musi tshiyhi tsho no boliwa huno tsha wela ngomu ha Malofha a Yesu Kristo, yawee, nnennē, zwi nea manweledzo, heneffo tswititi murahu kha Mūsiki hafhu. Inwi ni vha murwa wa Mudzimu. Manweledzo a liñwalo la vhune o farwa zwandani zwa Ramaandothe. Yawee, nnennē!

¹¹⁹ Thengululo yało i amba u vha nayo tshothe ha mulayo kha zwe zwa xedzwa nga Adamu na Efa. Yawee, nnennē! [Mukomana Branham u vhanda zwanda zwave luthihi.—Mudz.] Naa izwo zwi tea u itani kha Mukriste o bebwaho hafhu! U vha nayo ha mulayo kha ayo manweledzo a vhune, liñwalo la vhune la Vhutshilo Vhu Sa Pheli, li amba uri inwi ni na tshiñwe na tshiñwe tshe Adamu na Efa vha xedza. Whew! Mini nga hazwo, mukomana? U vha na thundu ya uvho vhune!

¹²⁰ Adamu o kundelwa u swikelela ḥothea dza thengululo. Nga murahu ha musi o no dzi wana o dzi xedza, o vha o no tshinya huno o qifhandekanya na Mudzimu, o vha e kha ili sia la phandekanyo, ngauralo ho ngo kona u li rengulula. O tou kundelwa u zwi ita, ngauri o—o vha a tshi ḥoda thengululo, ene muñe, ngauralo ho ngo kona u zwi ita.

¹²¹ Fhedzi mulayo wo ḥoda Murengululi wa Lushakani. Mulayo wa Mudzimu wo ḥoda Murengululi wa Lushakani. Inwi ni ḥoda u swaya ilo fhasi, “Murengululi wa Lushakani,” ri li wana kha Lefitiko 25.

¹²² A ri na tshifhinga tsha u setsha ili nga hothe, ngauri, inwi ni a divha, liñwalwa liñwe na liñwe—liñwe na liñwe li do ita vhu—vhusiku. Ni a vhona?

¹²³ Fhedzi mulayo wa Mudzimu wo ḥanganedza tshiimela. Zwino, mini-ha arali Mudzimu a songo ḥanganedza u dzhia tshiimela? Fhedzi lufuno lwo Mu kombetshedza u zwi ita. Izwo, muthu o vha a si na ndila ya u ya murahu, huno a hu na ndila ya uri ene a ye murahu. O vha o no ṭuwa. Fhedzi tshilidzi tsha Mudzimu tsho ḥangana na uyu Murengululi wa Lushakani nga Muthu wa Yesu Kristo. Mulayo wo zwi ḥoda. Tshilidzi tsho vha na ḥothea dzatsho. Oo, tshilidzi tshi mangadzaho, mubvumo u qifha hani! Mulayo wa Mudzimu wo ḥoda tshiimela tshi si na mulandu.

¹²⁴ Huno ndi nnyi we a vha a si na mulandu? Munna muñwe na muñwe o bebwa nga vhudzekani, nga murahu ha

vhudzekani, muñwe na muñwe. Huno muthihi fhedzi we a si ralo, o xelewana nga pfanelo dza Vhutshilo Vhu Sa Fheli na u vha khosi kha lifhasi.

¹²⁵ Oo, musi ndi tshi elekanya nga ha ulwo Luñwalo, "Ngauri Iwe wo ri rengululela murahu kha Mudzimu, huno ri nga vhusa huno ra vha dzikhosni na vhotshifhe kha lifhasi." Yawee, nnenñe! Mini? Murengululi wa Lushakani! Oo, ndi nganea-de ine ri nga vha nayo hafha!

¹²⁶ Dzhielani nzhele, mulayo wo toda Murengululi wa Lushakani u rengulula tshithu tsho xelaho. Tshilidzi tsho vha na iyi thodea nga Muthu wa Yesu Kristo. Wa Lushakani u fanela úbebwa nga lushaka lwa muthu.

¹²⁷ Zwino, naa ri nga vha hani, musi munna muñwe na muñwe o bebwaho a tshi tea u... Huno nnyi na nnyi we a kundelwa u vhona uri ho vha hu nyito ya vhudzekani heneffo, zwo luga, o pofula tshothe-tshothe, ni a vhona, ngauri munna muñwe na muñwe we a bebwa o bebwa nga musadzi.

¹²⁸ Huno Mudzimu o toda Murengululi wa Lushakani, huno U fanela u vha muthu. Yawee, nnenñe! Naa ni khou yo itani zwino? Mulayo wo toda Murengululi wa Lushakani.

¹²⁹ Zwino, O kundelwa u dzhia Muruñwa. O do tea u vha na munna, ngauri a ri shaka la Muruñwa. Ri shaka nga tshashu. Muruñwa na khathihi ho ngo wa. U tou vha lushaka lwo fhambanaho lwa tshivhili, u na muvhili wo fhambanaho. Na khathihi ho ngo tshinya kana tshithu. O fhambana.

Fhedzi mulayo wo toda Murengululi wa Lushakani.

¹³⁰ Huno munna muñwe na muñwe kha lifhasi o bebwa nga vhudzekani. Zwino, a ni vhoni, heneffo ndi hune ya bva hone. Afho ndi he tshivhi tsha thoma. Ngauralo inwi ni a vhona hune tsha vha hone zwino? Heneffo u a ña, mbeu yanu ya ñowa, ngomu. Ni a vhona?

¹³¹ Zwino, dzhielani nzhele, ho thodea Murengululi wa Lushakani. Huno Murengululi, Murengululi wa Lushakani, u fanela u bebwa nga lushaka lwa muthu. Hafha, izwo zwi ri sia kha davhi. Fhedzi i ri ni ndi ni lidzele Lufhalafhala. Musidzana o bveledza tshi—tshibveledzwa. Amene. Mbebo ya musidzana yo bveledza Murengululi wa Lushakani washu. A hu na muñwe nnñani ha Mudzimu Ramaandaøthe we a vha Imanuele, muñwe washu. Imanuele! Ene "Murengululi wa Lushakani" ho tanganwa nae. Inwi ni a vhona uri Mudzimu u ita thodea hani, huno a hu na tshithu tshire ri nga ita. Fhedzi musi tshilidzi tshi tshi dzhena ngomu huno tsha tsira uyo mulayo, huno tsha bveledza tshibveledzwa. Amene! [Mukomana Branham u vhanda zwanda zwave luthihi—Mudz.]

¹³² Oo, musi ni tshi swika ngei Hayani! Musi ndi tshi wana khebini thukhu yanga ngei phasi; ine Murathu Neville a

imba nga hayo. Musi nothe ni tshi pfa tshiñwe tshithu ngei fhasi, nga mañwe matsheloni, tshi tshi imba, “Tshilidzi tshi mangadzaho, mubvumo u difha hani, tsho tshidzaho o dzhielwaho vhunga nnē!” Inwi ni ri, “Rendani Mudzimu! Mualuwa Mukomana Branham o zwi ita. U heneffho, ni a vhona.” Ee. Oo!

Ndi tshilidzi tsho funzaho mbilu yanga u ofha,
 Ho vha hu tshilidzi tshe tsha fhungudza nyofho dzanga;
 Ndila ya vhuthogwa ye itsho tshilidzi tsha bvelela
 Awara ye nda thoma u tenda!

¹³³ Lindelani u swika ndi tshi swika fhasi khatsho, nga tshikhathinyana fhedzi! Yawee, nnēnne! Zwino sedzani. Bugu...

¹³⁴ Bugu ya Ruthe i ñea tshifanyiso tsho nakaho tsha izwi, ndila ye Boasi... Huno Naomi o xedza ndaka. Inwi, inwi ni a divha. Inwi no zwi pfa ndi tshi rera nga hazwo, a no ngo ralo? Imisani zwanda zwanu arali no mpfa ndi tshi rera nga hazwo. Ngauralo, inwi ni a pfectesa, ni a vhona. Boasi o do tea u vha murengululi. Huno o vha e ene fhedzi we a kona. O do tea u vha wa lushakani, wa lushakani wa tsini. Huno, kha u rengulula Naomi, a wana Ruthe. Uyo o vha e Yesu, Boasi a tshi khou fanyisa Kristo. Huno musi A tshi rengulula Israele, O wana Muselwa wa Vhannda. Ngauralo zwenezwo, inwi ni a vhona, zwo naka nga maanda! Ri nazwo kha theiphi, ndi na ngoho, hafha huñwe fhethu, ni do takalela u vha nazwo.

¹³⁵ Zwino dzhielani nzhele, zwino, U fanela u vha wa Lushakani. Ngauralo, inwi ni a vhona, Muruñwa o kundelwa u zwi ita. Munna o kundelwa u zwi ita; hu fanela u vha munna, fhedzi a nga si bebwe nga musadzi, nyito ya vhudzekani. Ngauralo, mbebo ya musidzana, Muya Mukhethwa wo tsira Maria. Ngauralo-ha, Yesu o vha e si Muyuda. Yesu o vha e si Wannda. Yesu o vha e Mudzimu. Izwo ndi zwone kokotolo. Malofha Awe ho ngo bva kha iñwe nyito ya vhudzekani. O vha e makhethwa, Malofha a Mudzimu o sikiwaho. Huno riñe a ri tshidzwi nga malofha a Muyuda, nahone a ri tshidzwi nga malofha a Wannda. “Ri tshidzwa nga Malofha a Mudzimu.” Izwo ndi u ya nga Bivhili. I amba nga u ralo. “Ri tshidzwa nga...”

¹³⁶ Ngauralo, inwi ni a vhona, Yesu o vha e Mudzimu. O vha a si Muthu wa vhuraru, Muthu wa vhuna, Muthu wa vhuvhili. O vha e Muthu. O vha e Mudzimu, ni a vhona. O vha e Mudzimu, Imanuele. Mudzimu u tsela fhasi a tshi bva Vhugalani Hawe, a Didzumbulula. Ndi funa iyo nganea, ya Booth-Clibborn, iyo ngosha khulwane, yo nakaho.

Fhasi i tshi bva Vhugalani Hawe, nganea i tshilaho misi yo^{the},
 Mudzimu wanga na Mutshidzi o da, huno Yesu lo vha li Dzina Lawe.
 O bebelwa mukungwani, kha Vhawe e mutsinda,
 Munna wa u tungufhala, mi^łodzi na nga vhu^łtungu vhuhulwane. Oo!
 Ndi u tsela fhasi-de, a tshi ri qisa kha thengululo;
 Musi ri kha lufuni lwa vhusiku, hu si na fhulufhelo lo rivhaho li vhonalah;
 Mudzimu, wa vhu^łhogwa, wa vhulenda, o vhea nga thungo zwi penyaho Zwawe,
 A tshi gwadamela u tikedza huno a tshidza muya wanga.
 O ndi Mu funa hani! Ndi Mu funesa hani!
 Mufemo wanga, tshedza tsha duvha tshanga, zwe^{the} zwanga kha zwe^{the}!
 Murengululi muhulwane o vha Mutshidzi wanga,
 Musiki muhulwane o vha Mutshidzi wanga,
 Huno vhudalo ho^{the} ha Mudzimu vhu dzula Khae.

¹³⁷ Uyo ndi Muñwe we a tangana na thodea. Tshilidzi tsho bveledza Muthu wa Yesu Kristo. Huno ri wana, iyi Bugu zwino... Mudzimu o tharamudza dennde Yawe, a tshi bva kha Mudzimu, u vha muthu. O shandukisa sefo Yawe, u bva kha Ramaando^{the}, u vha muthu; u dzhia tshivhumbeo tsha muthu, u itela uri A kone u fa, u rengulula muthu. Lindelani u swika ri tshi Mu vhona, musi hu na "muthu a songo fanelaho." Ni a vhona? Zwo luga.

¹³⁸ Bivhilini, kha Bugu ya Ruthe, vhunga no i vhala, ni do wanulusa, muthu o raloho o vha a tshi pfi "goel," g-o-e-l. O vha a tshi pfi goel, kana, o vha e muthu a konaho u vha na dzi^łhodea. Huno goel u fanela u kona u zwi ita, u fanela u funa u zwi ita, huno u fanela u vha wa lushakani, tsini na wa lushakani, u zwi ita.

¹³⁹ Huno Mudzimu, Musiki, wa Muya, o vha mashaka kha rine musi A tshi vha muthu, u itela uri A kone u dzhia tshivhi tshashu kha Ene, huno a badela mutengo, huno a ri rengululela murahu kha Mudzimu hafhu. U henefho. Henefho hu na Murengululi.

¹⁴⁰ Kristo o ri rengulula zwino. Ro rengululwa zwino. Fhedzi Ha athu vhila thundu Yawe. Zwino, inwi ni nga di fhambana na hezwo, fhedzi itonu farelela lwa muniti, ni a vhona. Ri do vhona. Ni a vhona? Ho ngo zwi vhila. Ni a vhona? Arali O dzhia Bugu

ya Thengululo, tshiñwe na tshinwe tshe Adamu a vha e natsho na tshiñwe na tshiñwe tshe a xedza, Kristo o tshi rengululela murahu. Huno O no di ri rengulula. Fhedzi Ha athu dzhia thundu; A nga si kone u swika nga tshifhinga tsho vhewaho. Huno zwenezwo hu do da mvuwo, huno zwenezwo lifhasi li do vusuludzwa hafhu. Huno zwenezwo U do dzhia thundu, thundu Yawe ye A i wana musi A tshi ri rengulula, fhedzi u do zwi ita nga tshifhinga tsho vhewaho. Yawee, nñenñe!

¹⁴¹ Izwi zwi ṭalutshedzwa kha Bugu ya Mapfundo a Sumbe ine ra khou amba nga hayo zwino. Zwo luga. Bugu ya Thengululo, i a ṭalutshedzwa yothe ngomu hafha. Zwothe zwine Kristo a do ita vhufheloni zwi do dzumbululelwa riñe ino vhege, kha Mapfundo a Sumbe, arali Mudzimu a tshi do ri tendela. Ni a vhona? Zwo luga. Zwi do dzumbululwa. Huno u dzumbululwa, vhunga Mapfundo a tshi pfuñululwa huno a tshi vhofhololelwa riñe, zwenezwo ri nga kona u vhona zwine iyi puñane ya thengululo ya vha zwone, huno musi na uri i khou yo itwa hani. Yo dzumbama tshothe kha iyi Bugu ya tshiphiri hafha. Yo pfuñelwa, yo farwa nga Mapfundo a Sumbe, huno ngauralo Ngwana ndi yone fhedzi Iyo Ine i nga a pfuñulula.

¹⁴² Zwino...[Mukomana Branham u thithiswa nga tshiñwe tshithu—Mudz.] Ni mpfarele. Ri a limuha...

¹⁴³ Zwino, arali ni tshi do takalela u sedza Mañwaloni, ni nga kona u swika nga hangei kha Yeremia huno na wanulusa heneffho. Musi o vha—musi o—o vha a tshi khou ya ngomu vhuthubwani ha shango, inwi ni a divha, o—o renga malume awe... Murwa wa malume awe o vha e na dziñwe—dziñwe thundu, huno o fhira nga kha hezwo, a tshi khou pfuñela. Huno arali ro zwi dzhia zwothe... Ro wana izwo na kha *Zwikhathi Zwa Sumbe Zwa Tshivhidzo*, ayo mapfundo na zwiñwe-vho, ngomu heneffho.

¹⁴⁴ Inwi ni a vhona, pfundo, kha Testamente Ndala, lo vha li tshi nga rolo, nga ndila *iyi*. [Mukomana Branham zwino u shumisa magwati a bammbiri u fanyisedzela u rola, u pfuñela, na u vulea ha tshikurolo—Mudz.] Huno *hafha* ho vha hu na tshiphiri, huno tshiphiri itshi tsho vha tsho dzumbama. Zwo luga, tsho vha tsho pfuñelwa u mona hothe huno tsha vhewa heneffha, u vhila kha *mukenenene*. Zwenezwo, tshiphiri tshi tevhelaho tsho vha tsho putelwa u mona hothe na zwe ili ifa la vha li zwone, huno la ḥodzimela ngeno nnda kha ili sia, u—u—u vhila kha *mukenenene*. Huno la tsela fhasi u swika li tshi ita tshikurolo, ngauri vhathu vho vha vha si na dzibugu vhunga *iyi* tshifhingani itsho. Lo vha li kha tshikurolo, (ndi vhanngana vha no divha izwo?) li tshi vhidzwa tshikurolo. Zwo luga, tshikurolo tsho pfuñelwaho, no vha ni tshi nga vundekanya na vhofholola tshiñwe *hafha*, zwe tshiphiri tsha izwi tsha vha tshi tshone, huno na tshi kherukanya tsha vhofholowa, huno

no vha ni tshi nga kona u vhona zwe iyo mbilo ya vha i zwone. Huno zwenezwo na vundekanya tshiñwe tsha vhofholowa, huno ni nga kona u vhona zwe iyo mbilo ya vha i zwone.

¹⁴⁵ Huno tshithu tshothe Hafha ndi Mapfundo a Sumbe, hu na zwiphiri zwa Mudzimu u bva mutheoni wa shango zwo pfunelwa zwe ñtha ngomu Heneffo, huno zwo dzumbululwa nga Mapfundo a sumbe o fhambanaho, uri, arali Mudzimu a tshi funa, i ri ni A ri tendele ri kokodzele murahu aya Mapfundo huno ri sedze fhasi nga kha Bugu huno ri wanulule uri Li nga ha mini. Ni a vhona? Oo, ndi fhulufhela uri ri na tshifhinga tshihulwane! Heneffo tshiphiri tsha thengululo tsho pfunelwa u swika... Iyi Bugu a yo ngo kona u pfunululwa u swika kha Mulaedza wa muruñwa wa u fhedza.

¹⁴⁶ Tshikurolo tshi heneffo. Ro zwi ñivha uri Tsho vha tshi heneffo. Ri a zwi ñivha uri Tsho vha tshi thengululo. Ro tenda uri Tsho vha tshi thengululo. Yeremia o ri, "Itshi tshikurolo tshi fanela u vhulungiwa..." Musi ni tshi tshi vhala heneffo, u do amba. U fanela u vhulungiwa kha mudzio wa lifhasi. Ni a vhona? Oo, tshithu tsho nakaho hani tshine ndi nga amba nga hatsho, lwa tshikhathinyana. Itshi tshikurolo tsho vhulungiwa nga ngomu ha mudzio wa lifhasi, mudzio we wa vhuya wa vha nama luthihi (vhugala!), wo fa, wa vuwa hafhu, huno wa vhulungiwa ngomu ha mudzio wa lifhasi u swika nga tshifhinga tsha u renga. Yawee, nnenñe! Lwo nakaho! Zwo luga.

¹⁴⁷ Zwino, iyi Milaedza yoþhe i a vhulungiwa u swika, uyu mudzio wa lifhasi, u swika tshifhinga tsho vhevahalo nga Mudzimu, kha mudinda wa u fhedza kha lifhasi. Huno zwe avha vhatu vha haþula hone, huno vha ri, "Ndi a zwi ñivha uri Li heneffo. Ndi tenda uri Li heneffo." Huno vho lwa Naþo, huno vha Li disa huno la bveledza zwithu. Nga lutendo vho Li tenda. Fhedzi zwino Li khou yo diswa kha rine nga nzumbululo, nahone li tshi bva tshanðani tsha Mudzimu nga khwaþhisdedzo. Mudzimu o amba nga u ralo. O zwi fulufhedzisa.

¹⁴⁸ Zwino, zwino kha ri vhone. Naa ndi ngafhi, naa ndi ngafhi he ra vha ri hone? Kha ri ye kha ndimana ya 2 zwino. Itshe ndi tshifhinga tshilapfu kha ndimana ya 1, fhedzi kha ri—kha ri—kha ri dzhie ndimana ya 2. Zwino, hu na khonadzeo ya uri ri nga si dzulese kha i tevhelaho.

Huno nda vhona muruñwa o khwaþhaho a tshi khou amba nga ipfi ljhulu, Naa ndi nnyi o fanelaho u vula... bugu, na u vhofholola ayo mapfundo?

¹⁴⁹ Zwino, elelwani. Kha ri vhale ndimana ya 1 hafhu, ngauralo ri a i kuvhanganya.

... Nda vhona kha tshanda tsha uyo we a dzula kha khuluñoni...

¹⁵⁰ Mudzimu! Naa uyo ndi nnyi? Ndi mufari vhukuma wa vhubvo wa Bugu ya Vhutshilo. O I fara. Mudzimu u a ita. Musi Adamu o xelewā, Yo ya murahu kha Muñe Wayo wa vhubvo. Ndi Yawē.

*Huno Yohane (kha bono) a sedza nga hangei huno
a vhona tshandani tsha u la tsha uyo o dzulaho kha
khuluñoni bu—bugu yo ñwaliwaho nga ngomu na
thungo ya murahu, yo pfunelwa nga mapfundo a sumbe.*

¹⁵¹ Ni a vhona, nga ngomu! Zwino, musi ri tshi ya kha u pfunulula aya Mapfundo, inwi ni khou yo vhona, Zwi ya thwii kha Luñwalo, ndilani yothe u ya murahu, u itela liñwe na liñwe la ayo Mapfundo. Tshithu tshothe, fhethu huthihi, tshiphiri tshothe, tshi heneffho ngomu ha aya Mapfundo. Ni a vhona? Tshiphiri tshinwe na tshinwe tsha Bivhili tshi kha aya Mapfundo. [Mukomana Branham u khokhonya kha phuluphithi kañanu—Mudz.] Huno Mapfundo a nga si kone u pfunululwa u swika nga itshe tshifhinga. Ndi a zwi sumbedza hafha, nga muniti fhedzi.

¹⁵² Dzhielani nzhele. Zwino, Bugu, elelwani, yo pfunelwa. Hafha hu na liñwe, hafha Li hone, *ili* pfundo. Zwenezwo liñwe Lithihi lo putelwa, Pfundo. Liñwe Lithihi lo putelwa, Pfundo. Ndi Bugu ya Thengululo. Huno tshithu tshothe, fhethu huthihi, tshi ita Bugu, huno Yo pfunelwa nga Mapfundo a Sumbe. Huno, zwenezwo, a nga thungo ya nga murahu, ndi ngauri tsho monisiwa. Tshiphiri tsha Pfundo tshi nga ngomu. Huno Li amba fhedzi u ri, “Munameli wa bere tshena,” kana, “Munameli wa bere ntswu,” na dziñwe-vho, nga nn̄da. Fhedzi tshiphiri tsha Bugu yothe tshi kha ayo Mapfundo, u bva kha Genesi u swika kha Nzumbululo. Pułane yothe ya thengululo i dzumbululwa kha aya Mapfundo a Sumbe. Oo, ndi tshifhinga tsha ndeme. Mudzimu kha ri thuse u Tshi wana! Ni a vhona?

¹⁵³ Zwino, “Huno muruñwa o khwañhaho . . .” Zwino ndimana ya 2.

. . . ene muruñwa o khwañhaho, nga ipfi lihulu, li
tshi khou amba, Ndi nnyi o fanelaho . . . (O fanelaho
mini?) Ndi nnyi o fanelaho u dzhia iyo bugu, . . .

¹⁵⁴ Zwino ri a wanulusa. Naa Bugu i ngafhi zwino? Kha Muñe Wayo wa vhubvo, ngauri Yo xedziwa nga murwa, murwa wa u thoma wa Mudzimu, kha lushaka lwa muthu. Huno musi a tshi xedza pfanelo dzawe, u thetshelesa Sañhane, u a litshedza . . . Naa o itani? O ḥanganedza vhuñali ha Sañhane vhuzuloni ha Ipfi la Mudzimu. Zwino, ro vha ri si nga imi hafha lwa tshikhathinyana! Vharwa vha Mudzimu vha do dzhia muhumbulo wa seminari nga Hayo, vhuzuloni ha Ipfi la Mudzimu. Ni a vhona, zwenezwo zwithihi zwe Adamu a ita, o xedza pfanelo dzawe. Huno musi zwe ita, zwe humela heneffho

tswititi murahu. Naa a ni koni u vhona he izwo zwikhathi zwa vha zwi hone? Ni a vhona? Zwo ya heneffo tswititi murahu kha mufari wa vhubbvo.

¹⁵⁵ Huno Yohane, Muyani, o ima ngeno ntha Ṭadulu. U kha di bva u takulelwa n̄tha zwino, u bva kha zwikhathi wa tshivhidzo, ni a vhona, o vhona zwikhathi zwa tshivhidzo. Huno zwenezwo a takulelwa n̄tha, kha ndima ya vhu⁴. A ri, "Idani n̄tha. Ndi khou yo ni sumbedza zwithu zwi no do da."

¹⁵⁶ Huno a vhona Muthihi o dzula kha Khulunoni, e na iyi Bugu tshandani Tshawe, tshandani Tshawe tsha u la. Zwi elekanyeni, zwino. Huno, zwenezwo, kha iyi Bugu ho vha hu na liñwalo la vhuñe kha thengululo, huno Lo vha lo pfunelwa nga Mapfundo a Sumbe.

¹⁵⁷ Huno zwenezwo Muruñwa a da, Muruñwa o khwañhaho, a tshi khou amba nga ipfi lihulu, "Naa ndi nnyi we a vha o fanela u vula Bugu; u dzhia Bugu? Naa ndi nnyi we a vha a tshi kona u vula Mapfundo? Naa ndi nnyi we a vha a tshi kona u vula iyi Bugu?" Ni a vhona, Muruñwa o zwi vhudzisa. Yohane o zwi vhona. Huno A ri, "Zwino, naa ndi nnyi o fanelaho? I ri ni A..." Yawee, nnenne! Khamusi ndi khou tou pfa izwi, iyi ndi ndila. "Fhedzi Mu tendeleni," a amba Muruñwa, "Mu tendeleni..." *Hafha* hu na Bugu ya Thengululo! *Hafha* hu na pułane ya thengululo! *Hafha* hu na ndila fhedzi ine na do vhuya na rengululwa, ngauri *hafha* hu na liñwalo la vhuñe kha thengululo ya mañadulu oþhe na lifhasi! "I ri ni A de phanda, arali A tshi funa." Yawee, nnenne! "Zwino ambani, kana farani mulalo Wawe lwa lini na lini. I ri ni A de phanda huno a while iyi Bugu. Naa ndi nnyi o fanelaho u zwi ita?"

¹⁵⁸ Huno Yohane a ri:

Ho vha hu si na munna ngei ṭadulu we a waniwa o fanela; a hu na munna kha lifhasi we a wanala o fanela; a hu na munna fhasi ha lifhasi, we a vhuya a tshila huno a fa, we a wanala o fanela. A hu na munna we a wanala o fanela.

¹⁵⁹ Mbidzo ya Muruñwa yo vha i mbidzo ya uri Murengululi wa Lushakani a bvelele. Mudzimu a ri, "Ndi na mulayo; Murengululi wa Lushakani a nga kona—a nga kona u vha tshiimela. Naa u ngafhi uyo Murengululi wa Lushakani? Naa ndi nnyi a no kona u I dzhia?"

¹⁶⁰ Huno zwi bva kha Adamu, ndilani yoþhe nga kha vhaapostola vhoþhe, na vhaporofita, na tshiñwe na tshiñwe-who, huno a hu na muthu we a wanala. Zwino, mini nga ha izwo? "A hu na muthu ngei ṭadulu, a hu na muthu kha lifhasi, a hu na muthu we a vhuya a tshila." Eliya o vha o ima heneffo. Mushe o vha o ima heneffo. Vhaapostola vhoþhe who vha who ima heneffo, kana—kana vhoþhe vhe vha fa; vhanna

vhakhethwa vho^{the}, Yobo, vhanna vha vhu^{lali}. Mu^{nwe} na mu^{nwe} o vha o ima heneffo, huno a hu na we a vha o fanelu u sedza kha Bugu, litshani u I dzhia huno a pfu^{nlula} Mapfundo.

¹⁶¹ Zwino ndi ngafhi hu re na mupapa na avha vho^{the} vha dzhena ngaho? Naa mubishopo wanu u ngafhi? Naa u fanelu hanu hu ngafhi? A ri tshithu. Izwo ndi zwone.

¹⁶² O humbelu Murengululi wa Lushakani uri a de phanda, arali A tshi kona. Fhedzi Yohane o ri, “A hu na munna we a vha o tea.”

¹⁶³ Hu si uri ho vha hu si na vhatu vho fanelaho heneffo, zwino, vhunga Muru^{nwa}; vhunga, sa tsumbo, ri tshi do ri, Gabarie, kana Mikaele. Fhedzi, elelwani, ho do tea u vha wa Lushakani. Elelwani, Yohane o amba hafha, “Huno a hu na m-u-n-n-a,” hu si Muru^{nwa}, hu si Musirafhe. Vho vha vha songo ita tshivhi, fhedzi Vhone vho vha vhe kha khethekanyo yo fhambanaho. Vho vha vha sa athu wa.

¹⁶⁴ Fhedzi uyu o do tea u vha Murengululi wa Lushakani. “A hu na munna,” ngauri ho vha hu si na mu^{nwe} wavho o rengululwaho. “A hu na munna we a vha o tea u Zwi sedza.” Oo, hai! Nnenne, nnenne! Ngauralo, zwo dzhia wa Lushakani wa muthu. Huno o zwi humbelu, huno A si wanale, hu^{nwe} fhethu. Ho vha hu si na muthu. A hu na mubishopo, a hu na muatshibishopo, a hu na tshifhe, a hu na u tevhekana ha maimo, a hu na tshithu tshe tsha vhuya... tshe tsha vhuya tsha vha na vhukhethwa ho edanaho u sedza kha Bugu. Whew! Nnenne, nmenne! Izwo zwo khwatha nga maanda, fhedzi izwo ndi zwe Bivhili ya amba. Ndi khou tou redza zwe Yohane a amba.

Bivhili yo ri Yohane “o tswimila.”

¹⁶⁵ Hu si sa vha^{nwe} vhatu vhe vha zwi funza. Ndo vha ndi tshi khou pfa munna a tshi khou funza nga ha iyi nga tshi^{nwe} tshifhinga, a tshi ri, “Yohane o tswimila ngauri o diwana a songo fanelu.” Oo! Mu^{nwe} munna a re fhasi ha Muya Mukhethwa u do divha zwo fhambanaho na hezwo, ni a vhona; fhasi ha u hevhedzwa nga Mudzimu, u do diwha zwo fhambanaho na hezwo.

¹⁶⁶ Fhedzi, Yohane “a tswimila.” Hafha hu na zwine nda elekanya uri o zwi tswimilela. Ngauri, arali ho vha hu si na na muthihi we a vha o fanelu huno a tshi nga kona u vula iyi Bugu ya Thengululo, tsiko yo^{the} yo vha yo xela.

¹⁶⁷ *Hafha* hu na Bugu, *hafha* hu na liⁿwalo la vhu^{ne}, huno Li do nekedzwa kha Murengululi wa Lushakani ane a nga vha na ndalukanyo. Uyo ndi mulayo Wa Mudzimu, huno A nga kona u tshikafhadza mulayo Wawe, a nga si nyadze mulayo Wawe, kha ndi ralo. Ni a vhona? Mudzimu o ^loda Murengululi wa Lushakani We a vha o fanelu, We a vha a tshi kona u zwi ita, We a vha e na tshithu tsha u zwi ita.

¹⁶⁸ Huno Muruňwa a ri, "Zwino i ri ni Murengululi wa Lushakani a ḋe phanda."

¹⁶⁹ Huno Yohane a sedza. Huno a sedza kha lifhasi lothe. O sedza fhasi ha lifhasi. Huno ho vha hu si na muthu. Heneffo, tsiko na tshiňwe na tshiňwe tsho vha tsho xela. A hu na zwiňwe, Yohane o tswimila. Tshiňwe na tshiňwe tsho vha tsho xela.

¹⁷⁰ U lila hawe ho ngo fhedza tshifhinga tshilapfu nga nn̄da ha muniti fhedzi, naho. Zwenezwo heneffo ha ima muňwe wa vhahulwane, a ri, "U songo tswimila, Yohane." Yawee, nn̄enne! U lila hawe a ho ngo fhedza tshifhinga tshilapfu nga nn̄da ha muniti fhedzi.

¹⁷¹ Yohane o elekanya, "Yawee, nn̄enne, naa Munna u ngafhi? Heneffo ho ima vhaporofita; vho bebwa vhunga nne. Heneffo ho ima vhanna vha vhuṭali. Heneffo ho ima... Oo, a hu na muthu hafha?"

¹⁷² "Ndi ṭoda Munna a no kona u zwi ita. Ndi ṭoda Munna ane a nga rengulula."

¹⁷³ Huno ho ngo wanala, ngauralo Yohane a bvelela. Oo, tshiňwe na tshiňwe tsha xela; huno a lila lu ḫungufhadzaho. Huno o—o vha o ḫungufhala, ngauri tshiňwe na tshiňwe, tsiko yoṭhe, tshiňwe na tshiňwe tsho vha tsho ḫuwa, arali vho kundelwa u wana muriwe muthu. Vhugala kha Mudzimu! Arali vha songo kona u wana muňwe muthu ane a nga vha na ḫodea idzo, heneffo... muthu muňwe na muňwe, na shango lothe na tsiko, zwo vha zwo ḫuwa. Oo, tshiňwe na tshiňwe tsho no wa. Pfa—pfa—pfanelo dza thengululo, pfanelo dza—dza Vhutshilo Vhu Sa Fheli, Tshedza, idzi pfanelo dzoṭhe dzo xedzwa, huno ho vha hu si na muthu we a vha a tshi nga kona u badela mutengo. Huno Yohane a thoma u lila, ngauri a hu na we a vha o fanela, nahone a hu na we a vha a tshi nga vhuya a sedza kha Bugu. Oo, zwo dzhia muthu. Yohane o tswimila, ngauri a hu na we a vha a tshi nga zwi ita, huno tshiňwe na tshiňwe tsho vha tsho xela.

¹⁷⁴ Huno heneffo ha ḫa ipfi li bvaho kha muňwe wa vhahulwane, o ima vhukati ha Zwivhanda zwiňa na ayo mavhuthu oṭhe mahulwane a Ṭadulu, a ri, "U songo tswimila, Yohane." Yawee, nn̄enne!

¹⁷⁵ [Mukomana Branham u vhanda zwanda zwawe kavhili—Mudz.] Tshilidzi tsha Mudzimu!

¹⁷⁶ "Ni songo kwashea mbilu, Yohane. Ni songo tswimila. Ngauri Ndau ya lushaka lwa Yuda, Mudzi na Dadzwane li bvaho kha Dafita, Yo kunda."

¹⁷⁷ *U kunda zwi amba "u ita tsimbe, na u fhenya."* Yawee, nn̄enne! Ngadeni ya Gethsemane, musi Malofha a tshi rothela fhasi a tshi bva kha tshifhaṭuwo Tshawe, O vha a tshi khou fhenya. Ni a vhona? Whew! Ni a vhona?

¹⁷⁸ “Ndau, na Mudzi wa Dafita, zwo kunda, zwo fhenya.”

¹⁷⁹ Vhunga Yakobo, e mufhuri. Huno musi a tshi vha na vhukwamani na Muruňwa, o farelela. Huno Muruňwa o lingedza u kokodzela kule. O ri, “Ndi—nne a thi khou tou yo U litsha u tshi ḥuwa.” A farelela u swika a tshi wana tshe a vha a tshi tshi ṭoda. Huno dzina ḥawē la shanduka, u bva kha *mufhuri*, line ḥawē amba “mudzia-u-fhura.” Kha mini? Kha “mukololo na Mudzimu,” *Israele*. O kunda.

¹⁸⁰ Huno iyi Ndau ya lushaka lwa Yuda yo kunda. A ri, “U songo tswimila, Yohane. Ngauri Ndau ya lushaka lwa Yuda, Mudzi wa Dafita, yo kunda. O no ḥi kunda. O no zwi ita. Zwo fhela, Yohane.” Whew! Yawee, yawee, nnen̄e! O bveledza bilitshi i no rumela tshivhi murahu kha zwāndā zwa girisi zwe...na vhuṭali hawe, he ha zwi tshikafhadza, muthu. Ee.

¹⁸¹ Fhedzi musi Yohane a tshi rembulutshela u sedza, a vhona Ngwana. Ndi lushaka-de lwo fhambanaho lwa Ndau! A ri, “Ndau yo no kunda.” Ni a vhona, hafhu, ndi nga kona u shumisa uri heneffho, Mudzimu o dzumbama kha u nyadzea. A ri, “Heneffho hu na Ndau.” Iyo ndi khosi ya ḥivhanda. “Ndau yo kunda.” Tshithu tsha maandesa ndi ndau.

¹⁸² Ndo no edela maṭakanī a Afurika, huno nda pfa ḥu—ḥuḍwa ḥdzi tshi tzhema. Huno—huno ndou khulwane, ya maanda, i na musingo wayo muyani, “Whee, whee, whee.” Huno nda pfa tshi—tshi—tshiṭuhu tsha phangani tshi tshi zhamba zwililo zwaho zwa malofha, zwi ofhisaho. Huno ma—magoṇoṇo, u swika... Huno Billy Paul na nne ro edela fhethu ha kale huṭuku ro fukedzwa nga zwinambatedzi. Huno nda pfa, kule tshikhalanī, ndau i tshi vhomba, na tshiñwe na tshiñwe phangani tshi tshi vala. Na magoṇoṇo a ima u huwelela. Khosi i a amba. Yawee, yawee, yawee, nnen̄e!

¹⁸³ Ndi a ni vhudza, afho ndi musi dzidinomineisheni na u timatima zwi tshi wela fhasi. Tshiñwe na tshiñwe tshi a fhumula musi Khosi i tshi amba. Huno *Iyi* ndi Khosi, ilo ndi Ipfi ḥawē. Oo!

¹⁸⁴ A ri, “Yohane, u songo vhilaela. U songo lila. U songo vundekana, Yohane. Ndi na iwe hafha kha bono; ndi khou u sumbedza tshiñwe tshithu. Huno ndi a ḥivha uri iwe wo neta tshoṭhe, ngauri, u a ḥivha, a hu na tshithu tshire tshi nga rengululwa, tshiñwe na tshiñwe tsho ḥuwa; a hu na muthu ane a nga kona u vha na ḥodea. Fhedzi Ndau ya lushaka lwa Yuda...”

¹⁸⁵ Inwi ni a ḥivha, Yuda i... Ro vha ri nayo, nahone kha bodo ya u ḥwaṭela fhano, inwi ni a ḥivha. Lushaka lwa Yuda, betshe, yo vha i ndau.

¹⁸⁶ Elelwani, ndau, huno—huno phulu, na yone...na zwiñwe-vho, ḥohoho ya munna, na zwiñwe-vho. Huno vhone

vha tshi khou sedza, avho Vhaserafe, ilo Ipfi; musi vhothe, Marko, Mateo, Luka, na Yohane, vhothe vho ima u mona na Bugu ya Mishumo.

¹⁸⁷ Huno nda pfa munna a tshi amba, mushumeli muhulwane, a tshi ri, “Bugu ya Mishumo i tou vha mushumo wa muhang.”

¹⁸⁸ Ho vha hu Muṭokola wa u thoma we Tshivhidzo tshikhethwa tsha vhuya tsha bveledza. Uh-huh! Ee, muṇe wanga. Huno arali A vhea muniwe, u do vha wa ulwo lushaka, na wone-vho. Ee, muṇe wanga! Inwi ni na miṇwe miṭokola yo ṭumamedzwaho, huno i khou aṇwa zwikavhvavhe. Hu tea u vha maswiri. Fhedzi... Ni a vhona? Musi uyo Muṭokola—uyo Muṭokola u tshi vhuya wa vhea lutavhi Lwawo hafhu, U do tou nga wa vhubvo kokotolo.

¹⁸⁹ Huno Mateo, Marko, Luka, na Yohane, ayo Mafhungo-madjifha o ima heneffo o A linda. Vhuṭali ha munna; maanda a ndau; mushumo wa phulu; na u ṭavhanyedza ha nngwe... kana goni, kha ndi ralo. Ee, Mafhungo-madjifha o ima heneffo! Mini? Elelwani musi ro vha ri nao? [Tshivhidzo tshi ri, “Amene.”—Mudz.] Zwi kha *Zwikhathi Zwa Tshivhidzo Zwa Sumbe*.

Zwino o ri, “Ndau ya lushaka lwa Yuda.”

¹⁹⁰ Ndi ngani zwi tshi bva Yuda? “Oo Yuda, muṇei wa mulayo u do ya phanda hayo, vhukati ha magona ayo, u swika Shiloh i tshi da. Fhedzi U do da nga kha Yuda.”

¹⁹¹ “Huno Ndau, tshiga tsha lushaka lwa Yuda, yo kunda. Yo kunda.”

¹⁹² Huno musi o sedza u mona hoṭhe u vhona he iyo Ndau ya vha i hone, a vhona Ngwana. Zwisili, u sedza Ndau huno a vhona Ngwana. Muhulwane o Mu vhidza Ndau. Fhedzi musi Yohane o sedza, o vhona Ngwana, “Ngwana vhunga Yo vhulawa u tehwani ha shango.” Ngwana yo vhulawaho. Naa ho vha hu mini? Naa iyo Ngwana yo vha i mini? Yo vha i na malofha, yo vhaisala. “Ngwana yo vhulawaho, fhedzi yo vha i tshi khou tshila hafhu.” Huno Yo vha i na malofha. Yawee, nnennē!

Naa ni nga sedza hani Iyo, vhatu, huno na sala ni muitazwivhi?

¹⁹³ Ngwana ya gonya nt̄ha. Muhulwane a ri, “Ndau yo kunda, Ndau ya lushaka lwa Ŷuda.” Huno Yohane a sedza u vhona Ndau, huno heneffo hu da Ngwana, i tshi dzinginyea, Malofha Khae, zwilonda. O kunda. No vha ni tshi nga amba uri O vha e ndwani. O vha o no vhulawa, fhedzi O vha a tshi tshila hafhu.

¹⁹⁴ Yohane ho ngo dzhieila nzhele iyi Ngwana u rangani, inwi ni a qivha, hafha. A two ngo buliwa u rangani. A hu na he Zwa buliwa. Yohane ho ngo Zwi vhona, hoṭhe-hoṭhe kha Maṭadulu, vhunga o vha a tshi khou sedza. Fhedzi hafha Li a da.

¹⁹⁵ Dzhielani nzhele he La da li tshi bva hone. Naa Lo vha li tshi bva ngafhi? Li bva kha Khuluṇoni ya Khotsi, he A vha o dzula hone tshee A vhulawa nahone a vuwa hafhu. “O vuwa huno a dzula kha tshanda tsha u la tsha Mudzimu, a tshi tshila u rabelela.” Amene. O vuswa henefho, ḥamusi, sa Murabeleli, nga Malofha A Ene muñe, u rabelela ū sa divha ha vhathu. Zwino, uyo ndi Muthihi ane nda ditika ngae. O vha a tshi kha di vha o fukedzwa nga bilitsi, bilitsi ya khangwelo ya tshivhi.

¹⁹⁶ Yohane o sedza kha Ngwana, huno Ngwana yo sedzea vhunga Yo no vhulawa. Huno zwenezwo o dzhieila nzhele uri O vha o huvhadziwa, huno o tshewa, huno o khudzulwa, nahone a tshi khou bva malofha. Ngwana ya malofha, itshe ndi tshe tsha dzhia fhethu hashu. Naa a si zwisili, Ngwana i nyadzeaho yo ḥo dzhia fhethu hashu? Huno o vhona Ngwana. A bvela phanda.

¹⁹⁷ Yohane ho ngo Mu vhona, ngauri O vha e kule murahu kha Vhutshilo-tshoṭhe, nahone a tshi khou rabelela; huno a tshi sumbedza uri avho vhe vha da kha Mudzimu, fhasi ha u nekedzwa ha malofha a dziphulu, a dzimbudzi, u nekedza ha tshiimela, Ene nahone... Ngauri, avho vhe vha zwi tenda, vho sumba kha Ene. Huno Malofha ha athu shululwa, ngauralo O vha e henefho u vha ṭuwisa. O vha e henefho u ni ṭuwisa na nne.

¹⁹⁸ Huno, O Mudzimu, ndi a fhulufhela uri U fhano madekwana a ḥamusi. Ngauri muitazwivhi muñwe na muñwe, Ngwana yo vhulawa. Naa Jehovah a nga vhona hani tshiñwe tshithu nga nn̄da ha iyo Ngwana ya malofha yo ima henefho!

¹⁹⁹ Huno Ngwana yo bvelela nn̄da ngomu ha bono zwino, vhunga Yo no vhulawa. Dzhielani nzhele, i bva kha Khuluṇoni ya Khotsi. Oo, elekanyani! Ene, O da a tshi bvafhi, kha lino bono? U bva Vhugalani, he A dzula kha tshanda tsha u la tsha Mudzimu. O da phanda, kha Yohane, a tshi bva Vhugalani.

²⁰⁰ Oo, naa i nga si vhe tshithu tsha vhugala arali mihumbulo yashu mivhi, madekwana a ḥamusi, i tshi nga vhewa nga thungo tshifhinga tshilapfu lwo edanaho u Mu ṭanganedza, huno U ḥo bvelela ndilani yoṭhe a tshi bva Vhugalani, madekwana a ḥamusi, u Didivhadza kha muñwe wañu!

²⁰¹ Ngwana i tshi bva Vhugalani, u itela u rabelela, zwo luga, u ita dzimbilo zwino u itela thengululo Yawe! Elelwani, O vha e kha mushumo Wawe wa vhupfumedzanyi ngeno murahu. Fhedzi, elelwani, aya Mapfundo o lugela u vulwa, huno Ngwana ya da i tshi bva n̄duni khethwa ya Mudzimu, ya da phanda.

²⁰² Lindelani u swika ri tshi swika nga hangei, iyo awara nthihi, na dzhia iyo “hafu ya awara nthihi” ine Ya vha uri yo fhumula. Nndu khethwa i khou bva vhutsi. A hu tshe na u rabelela. Tshithavhelo tsho ṭuwa. Ndi Tshidzulo tsha Khatulo. A hu tshe na Malofha khatsho, ngauri Ngwana yo

fukedzwaho nga Malofha yo ṭuwa. Ni songo lindela u swika nga itsyo tshifhinga. Elelwani kha Testamente Ndala? Samusi malofha a si tsheeho kha tshidzulo tsha khathutshelo, ho vha hu khathulo; fhedzi samusi malofha o vha e hone heneffo, ho vha hu na khathutshelo. [Mukomana Branham u khokhonya kha phuluphithi kaṭanu—Mudz.] Fhedzi musi Ngwana yo ṭuwa, ndi mini tshe tsha zwi ita!

²⁰³ Naa O vha e mini? O vha e Murabeleli. A hu na muňwe muthu! Mmbudzeni he Maria a vha a tshi nga kona u rabelela zwenezwo. Naa Maria o vha a tshi nga nekedza mini? Naa Francis Mukhethwa, Assisi Mukhethwa, kana muňwe-vho, na Cecilia Mukhethwa, kha ndi ralo, kana muňwe muthu-vho? Yohane na khathihi ho ngo vhona vhakhethwa vha tshigidi vha tshi bva kha zwa vhupfumedzanyi. “O vhona Ngwana, yone Ngwana yo no vhulawaho, i re na malofha.” A thi londi uri ho vhulawa vhakhethwa vhanngana; vhoṭhe zwo vha zwo vha tea, muňwe na muňwe wavho. Vhunga mbava yo amba kha tshifhambano, “Ro ita tshivhi, huno ro tewa nga hezwi. Fhedzi uyu Munna ho ngo ita tshithu.” O vha e ene Munna fhedzi we a vha o fanela.

²⁰⁴ Hafha U a ḏa, a tshi bva bogisini ḥa u rabelela. Naa U khou dela mini zwino? Mu sedzeseni! Yawee, yawee, yawee, nnenne! [Mukomana Branham u vhanda zwanda zwawe kararu—Mudz.]

²⁰⁵ Yohane o vha a tshi khou tswimila. Naa zweṭhe zwi ngafhi—zweṭhe ngafhi? Naa hu khou yo bvelela mini?

²⁰⁶ Ha pfi, “U songo tswimila, Yohane,” muhulwane a amba. “Hafha hu ḏa Ndau. O vha e Muthihi we a kunda.” Musi a tshi sedza, hafha hu ḏa Ngwana, i na malofha, yo vhulawaho.

²⁰⁷ Tshiňwe na tshiňwe tsho vhulawaho tshi na malofha. Inwi ni a diyha, tsho vhulawa. Mutsinga watsho wo remiwa wa vulea, kana tshiňwe tshithu. Malofha a khatsho tshoṭhe.

²⁰⁸ Hafha hu da Ngwana, yo vhulawaho. Huno O da, yawee, nnenne, (mini?) u ita mbilo Dzawe nga ha thengululo Yawe. Amene. Oo! Oo! Ndi... Naa a ni pfi u nga ni nga ya khudani, na dzula phasi huno na lila lwa tshikhathinyana? Hafha hu da Ngwana, i tshi kha di vha na malofha. Yohane... Ho vha hu si na tshithu heneffo; vhoṭhe vha diyheaho vho vha vho ima u mona hoṭhe, fhedzi ho vha hu si na muruwe wavho we a vha a tshi nga kona u zwi ita. Ngauralo, hafha hu ḏa Ngwana, zwino. Mađuvha Awe a u rabelela o fhela, mađuvha a vhupfumedzanyi.

²⁰⁹ Afho ndi musi Mururiwa uyu a tshi khou yo ima heneffo. Inwi ni a lindela u swika ri tshi dzhena kha Mapfundo. “Huno tshifhinga tshi nga si tsha vha hone.” Izwo ndi zwone. Iyo “hafu ya awara ya u fhumula.” Sedzesani zwine zwa itea nga iyo hafu ya awara ya u fhumula, musi iļo Pfundo ḥa Vhusumbe, vhusiku ha Swondaha i tevhelaho, Murena a tshi funa.

²¹⁰ U a da phan̄da (mini?) u dzhia mbilo Dzawe zwino. Yawee, nnen̄ne! U da u dzhia mbilo Dzawe! Zwino, O ita mushumo wa wa Lushakani. O tsela fhasi, o vha Munna, a fa. O ita mushumo wa wa Lushakani wa thengululo, fhedzi ha athu vhidza mbilo Yawe. Zwino U da vhuponi u vhila pfanelo Dzawe, (sedzani zwine zwa itea) yawee, nnen̄ne, kha zwe A vhulaelwa zwone, kha u vha wa Lushakani kha munna, u fa kha fhethu hawe, u mu rengulula. Fhedzi, muhulwane o vha e kha ngoho musi a tshi amba uri O vha e “Ndau,” ni a vhona. Muhulwane o Mu vhidza, a ri, “Ndau.” Ngauri, O vha e Ngwana, Murabeleli, Ngwana ya malofha, fhedzi zwino U khou da sa Ndau. Mađuvha Awe a u rabelela o fhela.

²¹¹ “I ri ni uyo wa tshika a vhe wa tshika. I ri ni uyo o lugaho a vhe o lugaho. I ri ni uyo mukhethwa a vhe mukhethwa.” Tshithu tsho vala. Oo, mukomana! Zwenezwo mini? Zwenezwo mini?

²¹² Huno, elelwani, zwi da nga tshikhathi tsha vhusumbe tsha tshivhidzo, musi zwiphiri zwa Mudzimu zwi tshi do vuliwa. Zwino sedzani zwavhuđi zwa vhukuma. Itshi ndi tshiñwe tshithu tshire na fanelu u tshi wana. Zwino, O vha a tshi khou ita mushumo Wawe wa vhupfumedzanyi, a tshi khou rabelela mutendi. Lwa miñwaha ya zwigidi zwivhili O vha e henefho murahu, Ngwana. Zwino U khou kanda a tshi bva Vhutshilo-tshothe, u dzhia Bugu ya liñwalo la vhune, na u pfuñulula Mapfundo, huno a dzumbulula zwiphiri. Naa ndi zwa lini? Nga tshifhinga tsha vhufhelo.

²¹³ Naa ni a zwi pfesesa? [Tshivhidzo tshi ri, “Amene.”—Mudz] Zwo luga, ri do bvela phan̄da zwenezwo.

²¹⁴ Zwino, pfuñululani Mapfundo huno ni vhofholole zwiphiri zweþhe khavho, kha muruñwa wa vhusumbe, ane Mulaedza wawe ndi wa u dzumbulula zwiphiri zweþhe zwa Mudzimu. Zwiphiri zwa Mudzimu zwi kha Mapfundo a Sumbe. Ni a vhona? Izwo ndi zwe A zwi amba hafha. Zwiphiri zweþhe zwi kha aya Mapfundo a Sumbe.

²¹⁵ Huno Ngwana i a da zwino, kha u vha Mupfumedzanyi vhukati ha Mudzimu na munna. U vha Ndau. Huno musi A tshi vha Ndau, U dzhia Bugu. Idzo ndi pfanelo Dzawe. Mudzimu o Tshi fara, tshiphiri, fhedzi zwino Ngwana i a da.

²¹⁶ A hu na muthu we a vha a tshi nga dzhia Bugu. I kha di vha zwandani zwa Mudzimu. A hu na mupapa, tshifhe, muñwe na muñwe ane a nga vha ene, vha nga si kone u dzhia (hai) Bugu. Mapfundo a Sumbe ha athu dzumbululwa. Ni a vhona?

²¹⁷ Fhedzi musi, Mupfumedzanyi, musi mushumo Wawe wo no itwa sa Murabeleli, U a da. Huno Yohane... Muhulwane o ri, “Ndi Ndau.” Huno U a da. Mu sedzeseni. Yawee, nnen̄ne! Ni a vhona? U da u dzhia Bugu, zwino sedzesani, u dzumbulula zwiphiri zwa Mudzimu, zwe vhañwe vha zwi humbulela, kha izwi zwikhathi zweþhe zwa dinomineisheni.

²¹⁸ Ni a vhona, zwenezwo, muruňwa wa vhusumbe. Arali iyi Bugu, zwiphiri, zwi Ipfi ḥa Mudzimu, muruňwa wa vhusumbe u tea u vha muporofita, uri Ipfi ḥa Mudzimu li de khae. A hu na vhotshifhe, mipapa, kana tshiňwe tshithu-vho, tshine tshi n̄ga Li wana; Ipfi a li di kha two raloho. Ipfi ḥa Mudzimu li da fhedzi kha muporofita, tshifhinga tshothe. Maleaxi ya 4 yo fulufhedzisa two raloho. Huno musi a tshi da, u do dzhia zwiphiri zwa Mudzimu, he tshivhidzo tsha timatima tshothe kha idzi dinomineisheni dzothe, “Huno a vhuyedzedza Lutendo lwa vhana murahu kha vhokhotsi.” Huno zwenezwo khaṭhulo ya shango i do rwa, huno lifhasi li do fhiswa. Huno zwenezwo vho lugaho vha do tshimbila nn̄da kha milora ya vhavhi, kha Nwahagidi.

²¹⁹ Naa ni a zwi pfesesa zwino? [Tshivhidzo tshi ri, “Amene.”—Mudz.] Zwo luga.

²²⁰ Vhaňwe vho humbulela khazwo, kha tshikhathi tsha dinomineisheni. Fhedzi, ni a vhona, u fanela u vha uyu munna, muruňwa wa vhusumbe wa... Nzumbululo 10:1-4 ndi... Muruňwa wa vhusumbe u na zwiphiri zwa Mudzimu two newaho ene, huno u khunyeledza zwiphiri zweþhe two siwaho, fhasi nga kha zwikhathi zwa dinomineisheni.

²²¹ Zwino ni nga kona u vhona uri ndi ngani ndi sa rwi vhahashu kha dinomineisheni. Ndi sisteme ya dinomineisheni! A vha iti, a hu na þodea ya uri vhone vha lingedze u Li divha, ngauri A lo ngo kona u dzumbululwa. Izwo ndi u ya nga Ipfi. Vho Li humbulela, huno vha tenda uri Li hone, huno nga lutendo vha tshimbila Ngalo, fhedzi zwino Li sumbedzwa nga vhuþanzi. Amene. Yawee, nn̄enñe, ndi Luþwalo lufhio—lufhio!

²²² Zwino sedzani. Zwenezwo ndi Ene, Ngwana, a no dzhia tshimo Tshawe tsha Vhuhosi, musi vhakhethwa Vhawe vha tshi da u Mu nea khare, “Murena wa murena, na Khosi ya dzikhosi.” Ni a vhona?

²²³ Ni a vhona, “Tshifhinga tsho fhela.” Nzumbululo 10:6, “A hu tshe na tshifhinga.”

²²⁴ Dzhielani nzhele, hu na “nanga dza sumbe” kha iyi Ngwana. Naa no zwi dzhieila nzhele? “I na nanga dza sumbe.” Ri kha di bva u fhira kha hezwo. *Nanga* dzi amba “maanda,” kha phukha. Huno, dzhielani nzhele, O vha a si phukha, ngauri O dzhia Bugu kha tshanda tsha u la tsha Uyo o dzulaho kha Khuluþoni. Ni a vhona? Dzhielani nzhele. Yawee, nn̄enñe!

²²⁵ Ndi a tenda uri ndo vha ndi na hezwo two ñwalwa fhasi huňwe fhethu; oo, u pfuñulula Mapfundo, na u vhofholola liňwalo, liňwalo la vhunę, na wone—wone Mulaedza kha muruňwa wa u fhedza. Huno U dzhia fhethu Hawe ha Vhuhosi. Izwo ndi zwine A q̄ela zwone zwino u zwi ita.

Zwino sedzani, musi A tshi da nn̄da, “Nanga dza sumbe.”

²²⁶ Zwino, musi o vhona iyi Ngwana, Yohane o I sedza, Yo—Yo vhonala vhunga Yo no vhulawa, i na malofha. Huno O da a tshi bva kha Vhutshilo-tshōthe, huno A guma u vha Mupfumēdzanyi.

²²⁷ Zwenezwo na rabela Maria lunzhisa sa zwine na ḥoda u ralo! “Ho vha hu si na munna ngei Tađulu, na kha lifhasi, kana hu si na muthu, hu si na tshivhili huñwe fhethu-vho, we a vha a tshi nga i dzhia.” Yohane o vhuya a tswimila nga hayo. Oo, khonani ya Mukatolika, naa ni a kona u zwi vhona izwo? Ni songo rabela muñwe muthu o faho.

²²⁸ Ngwana ndi yone Mupfumēdzanyi i yothe. Ni a vhona? Yo vha i Yone ye ya da. Huno O ita mini zwino? O vhuya fhano a tshi khou rabelela, u swika Malofha Awe o no pfumelela muthu muñwe na muñwe. Huno Ngwana, zwino, i a divha zwo ḥwaliwaho Buguni. Ngauralo, O divha u bva mutheoni wa shango uri madzina avho o vha e ngomu Heneffho, ngauralo O ima hafha murahu huno a re...huno—huno, fhedzi, a ita mushumo wa Mupfumēdzanyi nga iyi ndila u swika... mushumo wa vhupfumēdzanyi, u swika muñwe na muñwe we a vhewa Buguni o no rengululwa, huno zwo khunyeleta. Huno zwino U a bva. Ni a vhona? O ita mushumo wa wa Lushakani Wawe. Ene ndi zwe... Inwi ni a divha zwe mushumo wa wa Lushakani wa vha u zwone? U ḥanziela phanda ha vhahulwane. Inwi ni a elelwa Boasi a tshi rahela kule tshienda tshawe, na zwiñwe-vho? O ita izwi zwe... zwino.

²²⁹ Zwino U da u dzhia Muselwa Wawe. Amene. U da zwino sa Khosi. U khou ḥoda Khosikadzi Yawe. Amene. Amene. Kha iyi Bugu hu na tshipheri Tshayo tshōthe, tsho putelwa u mona hōthe, Mapfundo a Sumbe. Oo, mukomana! Mapfundo a Sumbe, o Mu lindela uri a de. Dzhielani nzhele.

²³⁰ Kha ri wane izwi zwiga. Zwo luga, ndi awara ya ḥahe nthā ha tshithoma. Ri na awara tharu kana dzo engedzeaho, u ya. Ri na...kha ri tou... Sathane u dzulela u mmbudza uri avho vhathu vha khou neta, ngauralo ndi a humbulela uri vha khou ralo. Fhedzi kha ri—kha ri dzhie itshi, naho zwo ralo.

²³¹ “Nanga dza sumbe” dzo vha dzi zwivhidzo zwa sumbe, ni a vhona, zwikhathi zwa zwivhidzo zwa sumbe, ngauri izwo zwo vha zwi tsireledzo ya Ngwana. Zwe A tsireledza pfanelo Dzawe ngazwo, kha lifhasi, ho vha hu Tshigwada tsha vhathu vho ruñwaho nga Mudzimu tshe tsha tsireledza; ni a vhona, nanga kha Ngwana.

²³² “Maṭo a sumbe” ndi vhadiñda vha sumbe vha zwikhathi zwa tshivhidzo zwa sumbe. “Maṭo a sumbe,” vhavhoni vha sumbe.

²³³ Naa ni do takalela u ḥwala phasi luñwalo? Kha ri tou ya khalwo. Naa ni ri mini, ni na itsho tshifhinga tshinzhi? [Tshivhidzo tshi ri, “Amene.”—Mudz.] Zwo luga. Kha ri ye kha Sakaria, Bugu ya—ya Sakaria, zwiñkunya fhedzi, huno ri do—ri do vhala zwiñwe zwa iyi.

²³⁴ A—a thi ḥodi u ni fareledza nga ha izwi zwithu. Huno—huno ndi... Fhedzi, nangwe, a thi ḥodi inwi zwi tshi ni pfuka. Naa ndi tshini tshinwe tshi re tsha ndeme u fhira itshi? [Tshivhidzo tshi ri, “Amene.”—Mudz.] Iina. Naa zwo engedzeaho ndi... [Munwe tshivhidzoni u ri, “Mukomana Branham?”] Mini? [“A ni eli izwo.”] A hu na tshithu tshi re tsha ndeme u fhira Vhutshilo Vhu Sa Pheli kha muthu. Huno ri fanela—ri fanela u wana itshi zwino, huno—huno ra vha na ngoho ya uri ri a tshi wana. Zwo luga. Zwo luga, muṇe wanga.

²³⁵ Huno zwino ri ḥoda u vhala Sakaria ndima ya vhu3. Ndi elekanya uri iyo ndi yone, zwino, Sakaria ya 3. Ri khou tou yo wana izwi zwiga hafha, arali ndi na Maṇwalo anga o ḥwalwaho phasi. Ndo vha ndi tshi khou tou ḥavha mukosi hoṭhe-hoṭhe, masiari ano, musi ndi tshi rwa itshi. Ngauralo a—a thi tou ḫivha uri kana ndo zwi wana zwone, kana hai. Ndi a fhulufhela ndo ralo. Sakaria ya 3, kha ri vhone arali i yone... Ndi na 89 hafha, fhedzi i fanela u vha 8 u swika 9. Zwo luga. Zwo luga. Ndi a ḫivha uri i nga si kone u vha 89. Sakaria ya 3:8 na 9.

*Ipfa zwino, O Joshua tshifhe muhulu, iwe, na vhathe
vhau vha no dzula na iwe: ngauri ndi vhanna vha no
mangaliwa: ngauri, vhonani, Ndi do disa mulanda
wanga ene DAVHI (Kristo).*

*Ngauri vhonani tombo ḥine Nda do li vhea phanda ha
Yoshua; kha (tombo) tombo lithihī hu do vha na maṭo
a sumbe: (maṭo a sumbe), vhonani, Ndi do vhaḍa zwo
vhadiwaho khalo, u ralo MURENA wa mavhuthu,... Ndi
do ḥusa vhatshinyi ha shango nga ḫuvha lithihī.*

²³⁶ Zwino kha ri ye kha Sakaria ya 4:10, 4:10. Thetshelesani.

... we a nyadza ḫuvha ḥa zwithu zwiṭuku (Mudzimu e kha u nyadzea, ni a vhona)? ngauri vha do pembela, huno... vha vhona tombo ḥa u fhidza zwandani zwa Serubabele na avho... na avho vha sumbe; aya ndi maṭo a MURENA, a no gidima phanda na murahu kha lifhasi loṭhe.

²³⁷ “Maṭo a sumbe.” Maṭo a amba “u vhona.” U vhona hu amba “vhaporofita, vhavhoni.” Iyi Ngwana yo vha i na ḫanga dza sumbe, huno kha luŋanga luňwe na luňwe yo vha i na iṭo, “maṭo a sumbe.” Naa ndi mini? Kristo na Muselwa Wawé; zwikhathi zwa sumbe zwa tshivhidzo. Henefho ho vha hu na vhaporofita vha sumbe vhe vha ya, vhavhoni vha sumbe, maṭo. Ngauralo, wa u fhedza u fanela u vha muvhoni. [Mukomana Branham o khokhonya kha phuluphithi kavhili vhunga o amba, “muvhoni.”—Mudz.] Zwo luga.

²³⁸ Dzhielani nzhele, A si phukha. “O dzhia Bugu kha tshanda tsha u ḥa tsha Uyo o dzulaho kha Khuluṇoni.” Naa O vha e nnyi? Mu—Muṇe, Muṇe wa vhubvo, we a vha e na Bugu ya Thengululo kha tshanda Tshawe tsha u ḥa. Huno a hu na

Muruňwa, a hu na Tshivhili tsha Muruňwa, a hu na tshiňwe tshithu-vho, tshe tsha vha tshi tshi nga dzhia fhethu. "Huno iyi Ngwana ya malofha ya bvela nnđa huno ya dzhia Bugu tshandani Tshawe." Whew! Naa ho vha hu mini? Mukomana, itshi ndi tshone tshithu tsho huliseswaho kha Luňwalo. Amene. Nyito ine ya sa vhe Muruňwa, i si tshithu, yo kona u zwi ita. "Huno Ngwana i a ða huno ya I dzhia kha tshanda tsha Uyo o dzulaho kha Khuluñoni."

²³⁹ Naa ndi mini? Zwino Ndi ya Ngwana. Amene. Milayo ya Mudzimu i a ȳodea. Ndi Ene a no I fara. Mulayo wa Mudzimu wo ȳoda Murengululi wa Lushakani. Huno Ngwana i a bva, yo U fara, "Ndi wa Lushakani wavho. Ndi Murengululi wavho. Nne zwino... Ndo vha rabelela, huno zwino Ndo ða u vhila pfanelo dzavho." Amene. Hu na Muthihi fhedzi. "Ndo ða u vhila pfanelo dzavho. Kha izwo, vha na pfanelo kha tshiňwe na tshiňwe tshe tsha xela kha u wa, huno Ndo badela mutengo."

²⁴⁰ Oo, mukomana! Whew! Naa izwo a zwi ni iti uri ni pfe ni wa vhurereli? [Tshivhidzo tshi ri, "Amene." —Mudz.] "Hu si nga mishumo yavhuði ye ra ita, fhedzi nga khathutshelo Yawe."

²⁴¹ Oo, lindelani lwa muniti! Huno avho vhahulwane na tshiňwe na tshiňwe-vho tshi thoma u posela dzikhare, huno vhahulisei vha thoma u swika mavuni, ni a vhona.

A hu na na muthihi, a hu na we a kona u zwi ita.

²⁴² Huno U tshimbila u swika kha tshanda tsha u la tsha Mudzimu, huno a dzhia Bugu kha tshanda Tshawe, huno a vhila pfanelo Dzawe. "Ndo vha fela. Ndi Murengululi wa Lushakani wavho. Ndi ene. Ndi nne Mupfummedzanyi. Malofha Anga o shululwa. Ndo vha Munna. Huno Ndo ita izwi uri ndi kone u wana itshe Tshivhidzo murahu hafhu, Itshe tshe Nda tshi vhona shango li sa athu tehwa. Ndo vha na ndivho Nalo. Ndo Li amba, Li ðo vha heneffo. Huno a hu na muthu we a vha a tshi kona u Li ita, fhedzi Ndo tsela fhasi huno nda zwi ita, Nne muñe. Ndi wavho wa Lushakani. Ndi vha mashaka." Huno U dzhia Bugu. Amene!

²⁴³ Oo, ndi Nnyi o nndindelaho Heneffo madekwana a ñamusi? Naa ndi nnyi Uyo, tshivhidzo, o lindelaho Heneffo? Naa ndi tshini tshine tshi nga ni lindela Heneffo? Uyo Murengululi wa Lushakani! Yawee, nnenne! Ndi tshitatamennde tshi huliswaho-ðe, kana nyito nandi!

²⁴⁴ Zwino U na liňwalo la vhune kha thengululo. O vha e Nalo tshandani Tshawe. Vhupfummedzanyi vhu khou itwa zwino. U Naho tshandani Tshawe. Elelwani, Ho vha tshandani tsha Mudzimu, tshifhinga tshothe, fhedzi zwino Hu kha tshanda tsha Ngwana. Zwino sedzesani. Liňwalo la vhune la thengululo, la tsiko yoðhe, li tshandani Tshawe. Huno O ða u Li vhila murahu, na lone-vho, u itela lushaka lwa vhathu.

Hu si u Li whilela murahu kha Vharuňwa. U Li whilela murahu kha muthu, zwe La netshelwa zwone, u ita vharwa na vhananyana vha Mudzimu hafhu; u vha disa murahu kha ngade ya Edeni, tshiňwe na tshiňwe tshe vha xedza; tsiko yothe, miri, vhutshilo ha phukha, tshiňwe na tshiňwe-vho. Yawee, nnenę!

²⁴⁵ Naa izwo a zwi ni iti uri ni pfe ni wavhudzi? Whew! [Tshivhidzo tshi ri, "Amene."—Mudz.] Ndo elekanya uri ndo neta, fhedzi zwino a tho ngo ralo. Ni a ralo? Nga tshiňwe tshifhinga ndi a elekanya uri ndi khou—khou vha wa kalesa u rera, huno zwenezwo ndi ya nda vhona tshithu tshi no nga tshenetsho, huno ndi a elekanya uri ndi muňhannga muswa hafhu. Ee. Uh-huh. Hum! Tshi ita tshiňwe tshithu kha inwi. Ni a vhona?

²⁴⁶ Ngauri ndi a divha izwi, zwauri hu na Muňwe Hangei o nndindelaho. Hu na Muňwe o badelaho mutengo we nda si kone u u badela. Izwo ndi zwone. O zwi itela nne, Charlie. O zwi itela inwi. O zwi itela lushaka lwothe lwa vhathe. Huno zwino U a da u vhila pfanelo Dzawe dza thengululo. U dzi whilela nnyi? Hu si u itela Ene muňe; u itela riňe. Ndi ene muňwe washu. Ndi ene mashaka ashu. Yawee, nnenę! Ndi ene Mukomana wanga. Ndi ene Mutshidzi wanga. Ndi ene Mudzimu wanga. Ndi ene Murengululi wa Lushakani wanga. Ndi ene zwothe. Ngauri ndo vha ndi mini ndi si na Ene, kana naa ndo vha ndi tshi nga vha mini ndi si na Ene? Ngauralo, ni a vhona, Ndi ene zwanga Zwothe. Huno O ima Hangei sa mashaka ashu. Huno zwino O vha a tshi khou ri rabelela, u swika nga tshino tshifhinga. Huno zwino U a da huno a dzhia Bugu ya Thengululo, u vhila pfanelo Dzawe, dza zwe A ri itela zwone.

²⁴⁷ Vha a fa. Yesu o ri, "A tendaho kha Nne, naho o fa, naho zwo ralo u do tshila. Ane a tshila huno a tenda kha Nne a nga si fe na khathihi. A no la nama Yanga huno a nwa Malofha Anga u na Vhutshilo ha lini na lini, huno Ndi do mu vusa nga duvha la u fhedzisela."

²⁴⁸ A hu londwi, u farwa nga khofhe nga tshikhathi tsha u thoma, tsha vhuvhili, tsha vhuraru, tsha vhuna, tsha vhučanu, tsha vhurathi, kana tsha vhusumbe, huňwe na huňwe hune a farwa nga khofhe. Naa hu do bvelela mini? Lufhalafhala lwa Mudzimu lu do lila. Lufhalafhala lwa u fhedza lu do boroda, nga tshifhinga tshenetsho tshithihi tshire muruňwa wa u fhedza a khou nea Mulaedza wawe huno Pfundo la u fhedza li tshi khou pfučululwa. Ulwo lufhalafhala lwa u fhedza lu do lila, huno Murengululi u a da u dzhia thundu Dzawe dzo rengululwaho, Tshivhidzo Tshawe, tsho tanzwiwaho nga Malofha.

²⁴⁹ Zwino, oo, tsiko yothe i kha tshanda Tshawe zwino, kha hune pučane yothe ya thengululo ya pfučelwa nga Mapfundo a sumbe a mangadzaho, kha iyi Bugu ye A dzhia. Zwino

sedzesani. "Huno Ene e eṭhe a nga kona u Li dzumbululela ane A funa." U Nalo tshandani Tshawe, ni a vhona. Zwino, O fulufhedzisa uri zwi ḋo vha ḋa nga itsho tshifhinga, zwino, ngauri Zwo pfunelwa nga Mapfundo a Sumbe a tshiphiri, Bugu ya Thengululo. Zwino sedzesani. Vhunga zwino . . .

²⁵⁰ Dzikhonani, ndo ni vhudza, ndi khou yo ni bvisa nga hafu u bva kha ya malo, fhedzi ndo posela masiatari mararu kana maṇa hafha, u swika kha hezwi. Ngauralo ndi ṭoda . . . Ndo no vha ḋa nga murahu ha ṭahe. Ngauralo ni nga kona u vhuya matshelo.

²⁵¹ Fhedzi kha iyi Bugu ya kasumbe ya Mapfundo, ya thengululo, ye Ngwana ya dzhia, i Nae, o vha e Ene We a kona u zwi ita. Huno O I dzhia kha tshanda tsha u ḥa tsha Uyo o dzulaho kha Khulunoni, zwino, u vhila zwa thengululo Yawe, u vhila pfanelo Dzawe. U whilela, mne na inwi, zwe A ri rengululela ri tshi bva khazwo, u, ni a vhona, murahu kha tshiñwe na tshiñwe tshe Adamu a xedza ngadeni ya Edeni. O ri rengululela murahu kha hezwo.

²⁵² Zwino nga Ngwana, nga Bugu i re zwandani Zwawe, ro lugela u humbelu tshilidzi Tshawe na khathutshelo kha riñe, u vula Bugu ya Mapfundo a Sumbe kha riñe, huno a ri tendela u sedza ro fhira xaradeni ḥa tshifhinga, nga zwiñkunyana. Yawee, nñenne! Dzhielani nzhele musi O dzhia Bugu, liñwalo ḥa vhuñe, lo pfunelwa, (itonu dzenisa ilo ṭhalukanyoni yañu zwino), huno na pfunulula Mapfundo a tshiphiri, u a dzumbulula, u a disa kha Dzawe, ni a vhona, vhalanda vhoṭhe Vhawe vho rengululwaho.

²⁵³ Zwino, musi ri tshi rwa izwi kha Mapfundo, ri khou yo ya murahu hangei huno ra vhona iyo mimuya fhasi ha alitari, i tshi lila, "Murena, u swika lini, u swika lini?"

²⁵⁴ Huno hafha ndi Ene Mupfumedzanyi, kha alitari, "Lwa tshifhinga tshilapfunyana, u swika hu na vho engedzeaho vha no ḋo tambula vhunga vhoinwi."

²⁵⁵ Fhedzi zwino U ḋa a tshi bva hafha, kha ili Pfundo ḥa u fhedza. Ha tsha vha Mupfumedzanyi. Ndi ene Khosi zwino. Huno U ita mini? Arali A Khosi, U tea u vha na vhalanda. Huno vhalanda Vhawe ndi avho vhe A vha rengulula, huno vha ḋa si de phanda Hawe u swika A tshi dzhia pfanelo dza thengululo. Huno zwino U a tshimbila, a tshi bva kha Mupfumedzanyi; hune lufu lwa ri vhea tshaloni, U ḋa e na dzipfanelo. Amene.

²⁵⁶ "Huno na avho vha no tshila huno vha sala kha u Da Hawe, vha ḋa si thithise avho vho edelaho. Ngauri lufhalafhala lwa Mudzimu lu ḋo lila, kha ulwo lufhalafhala lwa u fhedza." Musi Pfundo ḥa u fhedza lo pfunululwa, na musi muruñwa wa vhusumbe a tshi khou ṭea Mulaedza wawe, "Lufhalafhala lwa u fhedza lu ḋo lila, huno vho faho vhe kha

Kristo vha do vuwa. Huno riñe ri tshilaho huno ro sala ri do ṭanganedza rothe navho, u ṭangana Nae muyani.” U a vhila! O da zwino u vhila thundu Yawe—Yawe.

²⁵⁷ Sedzesani! Sedzani itsi! Nnenne! Pfunululani Mapfundo, o dzumbulula zwiphiri. O zwi ḫzumbulula (ngafhi?) kha tshikhathi tsha tshivhidzo tsha u fhedza, thone fhedzi tshi no khou tshila. Vhanwe vhothe vho edela.

²⁵⁸ A ri, “Arali A tshi da nga tshikhathi tsha u thoma, tshikhathi tsha vhuvhili, tshikhathi tsha vhuraru, u tsa phasi u swika kha tshikhathi tsha vhusumbe.” Nga tshikhathi tsha vhusumbe, heneffo ho mbo bva mu—mulayo, kana mbidzo, “Vhonani, Muhwe u a da!”

²⁵⁹ Huno musi vho ita, musidzana o edelaho, zwivhidzo zwa madzina, zwa ri, “Oo, inwi ni a divha, ndi—ndi a tenda uri ndi do takalela u vha na Muya Mukhethwa.” Naa no dzhieila nzhele Vhapuresbiterieni na Vhaepiskophalieni? Naa no pfa Mulaedza wanga ngei Phoenix, kha avho vhanna vha no ima heneffo nthia, nga *Voice* na heneffo, u tshi ri... Zwo luga, thaidzo ndi mini nga ha uyu muñwali, a tshi ri, “Khotsi Mukhethwa *Mukeneñene*”? Musi, Bivhili yo ri, “Ni songo vhidza munna, ‘Khotsi,’ nga u ralo.” Ni a vhona, vho edela navho, itsi ndi thone tshiitisi, fhedzi musi vha tshi da huno ha pfi, “Iina, ri a tenda.”

²⁶⁰ Musadzi o tou vhidza muñwe musadzi, a ri, “Inwi ni a divha, ndi Mueepiskophalieni.” Ha pfi, “Ndo—ndo—ndo amba nga dzindimi, linwe duvhha. Ndi tenda uri ndo ṭanganedza Muya Mukhethwa, fhedzi, sh, ni songo vhudza muñwe muthu.” Ndi a timatima izwo nga maanda. Inwi ni nga di vha no amba nga dzindimi. Fhedzi, inwi ni vhasa munna nga Mulilo, naa u khou yo dzula hani o dzika? Izwo ndi zwone. Ni a vhona? Ni a vhona? Ni nga si kone u zwi ita.

²⁶¹ Naa ni nga humbulela Petro, na Yakobo, na Yohane, na vhanwe kha lufhera lwa nga nthia, vha tshi ri, “Oo, ri na Muya Mukhethwa zwino, fhedzi ndi khwine ri tshi tou dzika”? Mukomana, nga kha mafasitere, mahothi, na tshiñwe na tshiñwe, vho ya, nn̄da ngomu zwiṭaraṭani, vha tshi khou ita vhunga tshivhalonyana tsha zwidakwa. Uyo ndi Muya Mukhethwa wa vhukuma.

²⁶² Fhedzi, inwi ni a vhona, uyo musidzana o edelaho ha khou ṭanganedza tshithu, naho zwo ralo. Uh-huh. Izwo ndi zwone. Huno elelwani, musi vho ya vha lingedza u renga Mapfura, elelwani, Mañwalo ha a ambi uri vho A wana.

²⁶³ Fhedzi musi vhe nn̄da vha tshi khou lingedza u A renga, heneffo ha da mubvumo. Naa ho bvelelani? Avho vhasidzana vhothe vho edelaho, vha vuwa huno vha penyisa mbone dzavho, “huno vha dzhena kha Tshilalelo.” Naa izwo zwo luga? [Tshivhidzo tshi ri, “Amene.”—Mudz.]

²⁶⁴ Huno vhañwe vhothe vha sielwa phiriodi ya Mañungu, ndi zwone, “Vha tshi tswimila, vha tshi lila, na u shenganya maño.” Itsho ndi tshivhidzo, hu si Muselwa; tshivhidzo.

²⁶⁵ Muselwa o dzhena ngomu. Hu na phambano yothe vhukati ha tshivhidzo na Muselwa. Ee, muñe wanga! Uh-huh. “O dzhena kha Tshilalelo tsha Mbingano.” Oo, dzhielani nzhele, mutukana! [Mukomana Branham u vhanda zwanda zwawe luthihi—Mudz.]

²⁶⁶ Mapfundo o pfunululwa (ndi ngani?) kha tshikhathi tsha u fhedza tsha tshivhidzo, u dzumbulula aya Mafhungo-ngoho. Ndi ngani? Ngwana yo pfunulula Mapfundo huno ya a dzumbululela Tshivhidzo Tshawe, u itela u kuvhanganya vhalanda Vhawe u itela Muvhuso Wawe. Muselwa Wawe, ni a vhona! Yawee, nñenñe! U ḥoda u disa vhalanda Vhawe Khae zwino.

²⁶⁷ Naa ndi mini? U bva kha buse la lifhasi, u bva fhasi ha lwanzhe, u bva kha dzibidzi, u bva huñwe na huñwe na fhethu huñwe na huñwe, u bva—u bva kha madzingu o swifhalaho, u bva kha pharadiso, huñwe na huñwe hune hu nga vha hone. U do vhidza, huno vha do fhindula. Amene! Amene! [Tshivhidzo tshi ri, “Amene.”—Mudz.] U do vhidza, huno vha do fhindula.

²⁶⁸ U ḥa u wana vhalanda Vhawe. O dzumbulula zwiphiri Zwawe, huno vho Li vhona. “Huno tshifhinga a tshi tsheeño,” nga itsho tshifhinga. “Tshifhinga tsho fhela.” Tsho khunyelela. Zwo luga.

²⁶⁹ U ḥuwa kha Khuluñoni, u vha Murabeleli, sa Ngwana yo vhulawaho; u vha Ndau, Khosi; u disa shango kha Khañhulo, we a landula Mulaedza Wawe. A si Mupfumedzanyi.

²⁷⁰ Elelwani Testamente Ndala ndi tshi funza zwino, musi ri tshi ṭavhanya. Musi malofha o bva tshidzuloni tsha khathutshelo, naa ho vha hu mini? Tshidzulo tsha Khañhulo.

²⁷¹ Huno musi Ngwana, yo vhulawa, yo tshimbila u bva kha Vhutshilo-tshothe, u bva kha Khuluñoni ya Khotsi, huno ya dzhia pfanelo Dzayo, ho vha hu Tshidzulo tsha Khañhulo. Zwenezwo U vha, hu si Ngwana, fhedzi Ndau, Khosi, huno U vhidza Khosikadzi Yawe uri i de i ime nga thungo Hawe.

²⁷² “Naa a ni zwi divhī uri vhakhethwa vha do hañula lifhasi?” Daniele o ri, “Khañhulo ya vhewa, huno bugu dza vuliwa; huno vha zwigidi zwa fumi zwi tshi andiswa nga zwigidi zwa fumi zwa tshigidi vha Mu shumela,” Khosi na Khosikadzi. “Huno zwenezwo iñwe Bugu ya vuliwa, ye ya vha i Bugu ya Vhutshilo,” iyo ndi ya tshivhidzo. Huno Khosikadzi na Khosi vha ima benefho.

²⁷³ Sa nelekanyo ya likhawaboyi yo ri:

Madekwe musi ndo edela kha luṭandala,
 Nda sedza kha naledzi dzi re lutomboni,
 Huno nda mangala arali likhawaboyi li tshi
 nga vhuya
 La kona u redzemutshela ngei na ngei.

Hu na ndila ya u ya kha ilo Dzingu li
 penyaho, la dakalo,
 Fhedzi ho rivha heneffo, vhuṭala, ngauralo
 vha a amba,
 Fhedzi yo atamaho i no isa kha u laṭwa
 Yo posawa na u andadzwa ndilani yoṭhe.
 Vha amba nga muṇwe Muṇe muhulwane,

²⁷⁴ U khou amba nga ha vhutshilo ha kholomo dzawe. Arali no vhuya na vha kha u swogeledza, no vha ni tshi nga kona u i vhona i khagala.

Vha amba nga ha muṇwe Muṇe muhulwane,
 Huno Ha athu u andelwa nga thakha na
 khathihi, ngauralo vha a amba,
 U do itela muitazwivhi lufhera tshifhinga
 tshoṭhe
 Ine ya do redzemutshela kha iyo ndila ya
 tswititi, tsekene.

Vha ri A nga si ni furalele na khathihi,
 Huno U ḫivha nyito inwe na inwe na u
 sedziwa;
 Ngauri, u itela tsireledzo, ri do vha vho
 swaiwaho,
 Ra vha na dzina ḥashu kha Bugu khulwane
 Yawe i re na tshisumbavhuyo.

Ngauri vha amba uri hu do vha na u
 swogeledza huhulwane,
 Musi makhawaboyi vhunga dzimmbwa a tshi
 do ima,
 U swaiwa nga vhanameli vha khaṭhulo,
 (vhone vhaporofita na vhavhoni)
 Avho vho poswaho huno vha tshi ḫivha
 lufayo luṇwe na luṇwe.

²⁷⁵ Arali no no vhuya na vha kha u swogeledza, ni a vhona vhosa o ima heneffo nnda, na vhanameli, na u kuya kha ilo sambi la dzikholomo. U do vhona lufayo lwawe lu tshi fhira, huno u do sumbedzela kha vhosa. Huno vhosa u do zwi vhona, huno a mu lumelisa nga ḥohoho. Donngi yawe i gidimela heneffo nga ngomu, u mona hothe, u mona na tshigayo itshi, a tshi bveledza tshivhalonyana tsha dzināṅga nga u ralo, huno a tumula thole dzawe nnda. Ni a vhona?

Vha ri hu do vha na u swogeledza huhulwane,
 Huno mak̄hawaboyi vhunga dzimmbwa a do
 ima,
 Izwo zwi do swaiwa nga vhanameli vha
 khaṭhulo,
 Vhe vha poselwa huno vha divha lufayo
 luñwe na luñwe. (Ni a vhona?)

²⁷⁶ Ngauralo a ri:

Ndi a humbulela uri ndi do vha phukha ya
 ñwaha kana mivhili i xelaho,
 Munna fhedzi o haṭulelwaho u fa, a songo
 swaiwaho, (ene, vha ita swobo ngae, ni a
 vhona),
 I no do tumulwa kha tshivhalonyana na
 matavhī,
 Musi Vhasa wa avho vhanameli a tshi fhira.

²⁷⁷ Ni a vhona uri Ndi Nyi? Vhasa wa vhanameli. Iyo ndi Ngwana, kha vhadinda vha no tea u poselwa huno vha tshi divha lufayo luñwe na luñwe. Ni a vhona? Hum!

²⁷⁸ Dzhielani nzhele, hafha U a da. U ḫutshela Khuluñoni, sa Murabeleli, sa Ngwana yo vhulawaho; u vha Ndaū, Khosi, u disa shango lothe ngomu ha Khaṭhulo, yo landulwaho. Murengululi wa Lushakani washu zwenezwo ndi Khosi nga n̄tha ha vhoṭhe. Ndi ngani? U na liñwalo la vhuñe la thengululo. Zwoṭhe zwi tshanqani Tshawe. Ndi a takala uri ndi a Mu divha. Ni a vhona?

²⁷⁹ Zwenezwo U vhila ifa Lawe; itsho ndi Tshivhidzo, Muselwa. U a U vhila.

²⁸⁰ Naa U itani zwenezwo? U bvisa muṭatisani Wawe, Saṭhane. U mu posela ngomu ha Dzivha la Mūlilo, na avho vhoṭhe vhe vha hevhedzwa nga Saṭhane, u landula Ipfi Lawe la thengululo.

²⁸¹ Ndi ene Khosi zwino. Khathutshelo i kha di vha kha Khuluñoni. Ni songo landula u nekedza Hawe. Ni a vhona? Vhanameli vha a divha uyo ane na vha ene.

²⁸² Huno, zwino, muṭatisani Wawe, we a Mu nea vhuleme lwa miñwaha ya zwigidi zwivhili, a tshi khou vhila, “Ndi nga ita ngavho zwine nda ṭoda. Ndi kha di vha navho. Ndi vhanga. Ndi... Vha xelewā nga liñwalo ngei murahu.”

²⁸³ Fhedzi Ene ndi Murengululi wa Lushakani. O amba uri O vhuya fhano a tshi khou rabelela zwino. Fhedzi liñwe duvha...

U ri, “Ndi do vha vhea tshaloni.”

²⁸⁴ Fhedzi O vhudza Tshivhidzo, “Ndi do ni bvisa.” Ni a vhona? “Fhedzi, tsha u thoma, ndi tea u vha Murabeleli.”

²⁸⁵ Zwino U a ḫa, u a kanda nn̄da a tshi bva kha Vhutshilo-tshoṭhe ngei seli, kule na Khulunoni ya Khotsi, he A dzula sa Murabeleli. Zwino U ḫa u vha Khosi, oo, u vhusa tshaka dzoṭhe nga mugo wa tsimbi. Khaṭhulo i a vhewa. Oo, mukomana, Murengululi wa Lushakani washu o zwi fara swoṭhe. Izwo ndi zwone. Ee, muṇe wanga.

²⁸⁶ Naa U ita mini? U vhidza itsho tshanda tsha muṭasani, Saṭhane. “Ndi vhanga zwino. Ndo vha vusa vha tshi bva tshaloni.” Huno U dzhia vhadzia-u-zwifha vhoṭhe, na vhashandi vha Ipfi, na vhoṭhe nga u ralo, na Saṭhane, huno a vha tshinyadza Dzivhani ḫa Mulilo. U hoṭhe-hoṭhe, zwino. U vha posela ngomu ha Dzivhā ḫa Mulilo. Yawee, nn̄enñe!

²⁸⁷ Inwi ni a ḫivha uri mini? Ndi ḫoda—ndi ḫoda u amba tshiñwe tshithu hafha ri sa athu vala. Huno zwenezwo ri ḫo—ri ḫo—ri ḫo t̄avhanya. Dzhielani nzhele. Ri fhasi zwino kha ndimana ya vhu7. Fhedzi u bva kha ndimana ya vhu8, u ya kha ya vhu14, ndi ḫoda ni tshi dzhiela nzhele zwi no itea.

Vhoṭhe vhe vha vha vhe ngei ṭaqulu, na vhoṭhe vhe
vha vha vhe liphasini...

²⁸⁸ Itonu thetshelesa izwi. I ri ni ndi zwi vhale zwino. Ndi tenda uri zwi ḫo vha khwine arali nda tou zwi vhala zwi tshi bva kha Bugu, na ndimana ya vhu7, ni a vhona. Huno sedzesani ndimana ya vhu6.

*Huno nda—huno nda vhona, vhonani, nahone,
vhonani, vhukati ha khulunoni na zwivhanda zwiṇa,
na vhukati ha vhahulwane, ho ima Ngwana vhunga
yo no vhulawa, i na ḫohoho dza sumbe...kana nanga
dza sumbe (ndi khou amba) na maṭo a sumbe, (ri
kha ḫi bva u zwi ḫalutshedza), ane a vha Mimuya ya
Mudzimu ya sumbe yo rumelwaho kha liphasi loṭhe.*

²⁸⁹ Ni a vhona, zwikhathi zwa sumbe zwa tshivhidzo, vhaḍinda vha sumbe vhe vha vhulunga uyo Mulilo u tshi duga. Ni a vhona? Zwo luga.

*Huno a ḫa (Ngwana) huno a dzhia bugu kha tshanda
tsha uyo o dzulaho kha khuluṇoni—dzulaho kha
khuluṇoni.*

²⁹⁰ Zwino sedzesani. Huno musi O ita izwo, sedzesani zwe zwa itea. Inwi ni amba nga ha mihuvho! Zwino izwi ndi kokotolo u pfunululwa ha ayo Mapfundo, u itea. Ri ḫo do dzhena kha “hafu ya awara ya u fhumula,” nga murahu ha iyi. Sedzesani iyi, huno ri ḫo do thoma nga ngomu. Ri ḫo do khunyeledza iyi, vhusiku ha Swondaha i tevhelaho, henefha. Huno thetshelesani zwavhuđi zwino. Naa no luga? I ri ni, “Amene.” [Tshivhidzo tshi ri, “Amene.”—Mudz.] Thetshelesani zwavhuđi, zwe zwa itea musi O no ita itshi.

²⁹¹ Musi tsiko yoṭhe yo vha i tshi khou gungula; a hu na we a ḫivha uri a nga itani, huno Yohane o vha a tshi khou tswimila.

“Hafha hu da Ngwana, ya tshimbila!” Huno iyi Bugu yo vha i zwandani zwa—zwa Muñe wa vhubvo, ngauri munna o vha o wa huno a I xedza. Huno a hu na munna we a vha a tshi kona u I dzhia, hafhu, u rengulula lifhasi; a hu na tshifhe, mupapa, a hu na tshithu, vhunga ndo amba. “Fhedzi Ngwana i a da!” A hu na Maria, a hu na mukhethwa *uyu*, kana mukhethwa *uyo*. “Ngwana i a da, i na malofha, yo vhulawa, huno ya dzhia Bugu tshandani tsha u la tsha Uyo o dzulaho kha Khulunoni.” Huno musi vho no vhona uri ho vha hu na Murengululi; huno mimuya yothe—fhasi ha alitari, musi Vharunwa, musi vhahulwane, musi tshiñwe na tshiñwe tsho i vhona, musi izwi zwi tshi itwa. Yone, naho zwe ralo, i kha la matshelo. Madekwana a namusi Ndi ene Mupfummedzanyi, fhedzi U khou da kha izwi. Sedzesani.

Huno musi o no dzhia bugu, zwivhanda zwiña na vhona vhahulwane vhana na vha fumbili vha wela fhasi phanda ha Ngwana, muñwe na muñwe wavho e na zwihwana, na madzhomela a musuku o dalaho minukho, ine ya vha thabelo dza vhakhethwa.

²⁹² Avho ndi avho vha re fhasi ha alitari, vhe vha rabela, lwa tshifhinga tshilapfu. Ni a vhona, vho rabelela thengululo, vho rabelela mvuwo. Huno hafha avha—avha vhahulwane vha khou shululela thabelo dzavho phanda... Ngauri, zwino ri na Muimeleli, ri na wa Lushakani ngei Tađulu, o daho u ita mbilo Dzawe.

Huno vha imba luimbo luswa, vha tshi ri, Iwe wo tea u dzhia bugu, na u pfuñulula mapfundo a hone: ngauri iwe wo vhulawa, huno wo ri rengululela kha Mudzimu washu (sedzesani) nga malofha au a bvaho kha lushaka luñwe na luñwe,... lulimi, na vhatku, na lushaka;

Huno wa ri ita dzikhosi na vhotshifhe vha Mudzimu washu: huno ri do vhusa kha lifhasi.

²⁹³ Vho ṭoda u vhuya. Huno hafha vha khou ya murahu, u vha dzikhosi na vhotshifhe.

²⁹⁴ Thendo kha Mudzimu! Ndi pfa ndi wavhudzi lwo edanaho u amba nga dzindimi. Sedzani. Sedzesani. Ee. Hu vhonala hu tshi nga a thi na luambo lwo edanaho; ndi nga Mu renda ngalwo. Ndi ṭoda luñwe lune ndi sa vhuye nda lu ḫivha.

²⁹⁵ Dzhielani nzhele, “Huno nda vhona...” Thetshelesani izwi.

Huno nda vhona, huno nda pfa ipfi la vharunwa vhanzhi...

²⁹⁶ Thetshelesani uri ndi mihevho-de i no khou bvela phanda! Musi vho no vhona iyo Ngwana i tshi da huno ya dzhia iyo Bugu ya Thengululo, mimuya ya ḫavha mukosi. Ri do zwi wana. Zwothe, tshiñwe na tshiñwe, vhahulwane vha

wela fhasi. Vha shulula thabelo dza vhakhethwa. Mini? O vha o imela rine sa wa Lushakani. Vha wa nga zwifha²⁹⁷wo zwavho. Huno vha imba luimbo, huno vha ri, “Iwe wo fanela, ngauri Wo vhulawa!” Sedzesani izwo... Huno sedzani avha Vharuňwa!

Huno nda vhona, huno...pfa ipfi la vharuňwa vhanzhi u mona hothe na khuluňoni huno zwivhanda na vhahulwane: na nomboro yavho yo vha i zwigidi zwa fumi zwi tshi andiswa nga zwigidi zwa fumi,... zwa zwigidi; (Whew! Dzhielani nzhele!)

A amba nga ipfi līhulu, Yo fanela Ngwana ye ya vhulahelwa u ḥanganedza maanda, na lupfumo, na vhuťali, na nungo, na khuliso, na vhugala, na dziphathutshedzo.

²⁹⁷ Naa ndi mihevho-de i no khou bvela phanda ngei Tadulu, musi iyo Ngwana i tshi ranga phanda, i tshi ṭutshela ilo bogisi la u rabelela, u da fhano u dzhia mbilo Dzawe!

²⁹⁸ Inwi ni a divha, izwo two swika tsini ha Yohane. U fanela u vha o vhona dzina lawe lo ñwaliwa heneffo. Musi ayo Mapfundu o pfuqululwa, u fanela u vha o takala zwa vhukuma. Thetshelesani zwe a amba.

Huno tshivhumbwa tshinwe na tshinwe tshi re ngei ṭadulu, na kha līfhasi, na fhasi ha līfhasi,... tshi no nga...kha lwanzhe, na zwe²⁹⁹the zwe... khazwo, zwi re khazwo, two pfa nne, ndi tshi ri, Dziphathutshedzo,... khuliso,... vhugala,... maanda, u vha kha ene o dzulaho kha khuluňoni, na kha Ngwana lwa lini... (Amene! Amene, na amene! Oo!)

Huno zwivhanda zwinā zwa ri, Amene. Huno vhahulwane vhaña na vha fumbili vha wela fhasi huno vha luvha uyo a no tshila lwa lini na lini.

²⁹⁹ Ambani nga ha mihevho, ambani nga ha tshifhinga, musi iyo Ngwana yo tshimbila! Ni a vhona, Bugu yo pfuqelwa ngei Tadulu, zwiphiri two ralo.

³⁰⁰ I ri ni, “Naa dzina langa li heneffo?” A thi divhi. Ndi a fhulufhale li hone. Fhedzi, arali li hone, lo ñwalwa Buguni shango li sa athu tehwa.

³⁰¹ Fhedzi tshithu tsha u thoma, tshe tsha imela thengululo iyo, hu da Ngwana yo vhulawaho shango li tshi tehwa. Huno A dzhia Bugu, (vhugala!) a vula Bugu, huno a kherula Mapfundu; huno a I rumela fhasi kha līfhasi, kha muruňwa Wawe wa vhusumbe, u I dzumbululela vhatu Vhawé! [Tshivhidzo tshi a pembela zwihiwlwane—Mudz.] Khezwo. Yawee, nnenné! Naa ho bvelela mini? Nzhambo, mikosi, dzihaleluya, o doliswaho, maanda, vhugala, u vhonadzwa! [Tshivhidzo tshi isa phanda na u pembela zwihiwlwane.]

³⁰² Huno Yohane wa kale, we a vha o ima heneffho, mukomana washu, a tshi khou lila! “Malandu,” a ri, “tshinwe na tshinwe ngei Tađulu, tshinwe na tshinwe kha lifhasi, na tshinwe na tshinwe Iwanzheni, tsha mpfa ndi tshi huwelela, ‘Amene! Amene! Dziphathutshedzo, khuliso, na nungo, na maanda, kha zwi vhe kha Ene a no tshila lwa lini na lini.””

³⁰³ Ambani nga ha tshifhinga tsha dakalo, musi ayo Mapfundo a tshi pfuñululwa! Yohane u fanela u vha o sedza ngomu huno a vhona two fhiraho zwa xaradeni la tshifhinga, huno a ri, “Yohane u heneffho.” Oo, oo!

³⁰⁴ O vha o takala nga maanda, u swika a tshi ri, “Tshinwe na tshinwe ngei Tađulu.” U fanela u vha o lila zwa vhukuma, ho ngo ralo? “Tshinwe na tshinwe ngei Tađulu, tshinwe na tshinwe kha lifhasi, tshinwe na tshinwe fhasi ha lifhasi, tshivhumbwa tshinwe na tshinwe, tshinwe na tshinwe-vho, tsha mpfa ndi tshi ri, ‘Amene! Dziphathutshedzo, na vhugala, na vhutali, na maanda, na nungo, na lupfumo, ndi Zwawe.”” Amene!

³⁰⁵ Ndi ngani? Musi nzumbululo i tshi da, ya uri Ngwana, Murengululi, wa Lushakani washu, o vhuya a tshi bva kha Khuluñoni ya vhupfumedzanyi huno a tshimbila ngeno nn̄da u dzhia thundu Yawe. Oo!

Hu si kale Ngwana i do dzhia Muselwa Wayo
u vha thungo Yawe,
Mavhuthu othe a Tađulu a do kuvhangana;
Oo, i do vha mbono ya vhugala, vhakhethwa
vhothe nga vhutshena vhu sa solei;
Huno na Yesu ri do vhusa lwa U Ya Nga Hu
Sa Fheli.
Oo, “Idani huno ri le,” Muñe u a vhidza, (kha
Ipfi), “Idani huno ri le.”

³⁰⁶ Oo, ndi—ndi—ndi vha a si na maipfi, ni a vhona.

“Idani huno ri le, idani huno ri le,”
Ni nga ita munyanya kha ćafula ya Yesu
tshifhinga tshinwe na tshinwe, (Zwino!
Fhedzi musi A tshi ćuwa, a hu na
fhulufhelo.)
Ene We a fusha vhathu vhanzhi, a shandukisa
mađi a vha waini.

³⁰⁷ Uyo we a amba, uri, “A tendaho kha Nne, mishumo
ine Nda ita u do ita na ene.” Yawee, mn̄enñe! Uyo we a
fulufhedsiza izwi zwithu mađuvhani a u fhedzisela. Uyo we
a amba izwi zwithu. Uyo ane zwino a vha tshifhingani tsha
nzumbululo tsha izwi zwithu zwi no khou divhadzwa. “Idani
huno ri le.” Oo, Li songo ni pfuka, mukomana wanga.

Zwino kha ri kotamise zwifhađuwo zwashu lwa muniti.

³⁰⁸ Vhusiku ha matshelo, nga tshilidzi tsha Mudzimu, ri lingedza u pfunulula ilo Pfundo la u Thoma, arali Mudzimu a tshi do ri pfunululela Lone huno a ri tendela u vhona zwine iyi nzumbululo ya vha i zwone, “yo dzumbiwa u bva tshee shango la tehwa.”

³⁰⁹ Ri sa athu ita izwo, khonani ya muitazwivhi, kana murado wa tshivhidzo a dudelaho, naa ni tou vha na vhurado tshivhidzoni, kana a ni na vhurado? Huno arali ni na vhurado fhedzi, ni do vha tsini nga maanda na a si naho. Inwi ni toda Mbebo. Ni fanela u da kha Malofha. Ni fanela u da kha tshinwe tshithu tshine tsha t̄usela tshivhi kule, u swika hu si tshe na nyelelwo yatsho.

³¹⁰ Arali ni songo ita ndugiselo, naho zwo ralo, u tangana na Ngwana tuyani! Huno nga maanda o bindudzwaho kha nne nga ndaela yanga, yo newaho nga Mudzimu Ramaandaothe, huno a shumelwa kha nne nga Muruňwa, Khavhu ya Tshedza, ndi a ni laya, nga Dzina la Yesu Kristo! Ni songo lingedza u tangana Nae nga vhurado fhedzi ha nn̄du ya vhuawelo ya tshivhidzo tsha lino lifhasi.

³¹¹ Idani, musi Mupfumedzanyi, u ya nga hune nda divha, a tshi kha di vha kha Khuluqoni, a tshi khou rabelela. Ngauri, hu do da ḫuvha musi ni tshi do toda u da, huno a hu nga vhi na Mupfumedzanyi. Ngauri arali ri tshi vhona awara ine ra tshila khayo, nga tshikhathi tsha vhusumbe tsha tshivhidzo, huno zwiphiri zwa Mudzimu zwi tshi vha zwe zwa vha zwi zwone, na Muya wa Mudzimu wo khwathisedzwaho u tshi khou sumbedza tshinwe na tshinwe tshe A fulufhedzisa maduvhani a u fhedzisela, naa ho sala tshifhinga tsho engedzeaho tshingafhani? Khonani ya muitazwivhi, idani.

³¹² Murena Yesu, awara dzi khou vha dzo lengaho. Hu nga di vha ngavhuya u fhira zwine ra elekanya. Huno ri a takala u vhona iyi awara i tshi sendela. Ndi awara ya vhugala nga maandesa ye shango la vhuaya la i divha, kha mutendi. Fhedzi, kha mulanduli, tshifhinga tsho ḫungufhalesaho tshine tshi nga vha tshone. A ho ngo wanala maipfi kha alifabeta, maleđere a u ita maipfi, e a vha a tshi nga bula vhuileme na vhuitungu vhu re phanda. Huno nahone a hu na maipfi e a vha a tshi nga vhumbiwa, a tshi bva kha alifabeta yashu, u bula phaṭutshedzo dzi re phanda dza mutendī.

³¹³ Khotsi, hu nga di vha na vhařwe, madekwana a ɻamusi, hafha vha si na fhulufhelo. Huno ndi vhathe vha re na vhuṭali. Huno zwino arali Malofha a tshi kha di vha kha Tshidzulo tsha Khathutshelo, i ri Ngwana i bve kha Khuluqoni, kha mbilu dzavho, madekwana a ɻamusi, huno wa vha dzumbululela uri vho xela. Huno nga zwanda zwa Malofha, wa ri, “Idani, musi hu tshi kha di vha tshifhinga tsha u da.”

³¹⁴ Ndi kumedza Mulaedza, Murena, na thabelo yanga, kha zwanda Zwau. Ita tshine Wa funa, Khotsi, Dzinani la Yesu.

Ro kotamisa zwifhaṭuwo zwashu.

³¹⁵ Arali ni songo vha na iyi khumbelo na iyi ḥhodea! Arali no fulufhela fhedzi kha tshivhidzo tshaṇu! Ho vha hu si na tshe tsha vha tshi tshi nga rengulula. Arali no fulufhela kha u rabelelwa nga muṇwe mukhethwa, ni kha ḫi vha no xela. Arali no fulufhela kha mishumo ya zwāṇa zwaṇu, tshiṇwe tshithu tshe na ita, mishumo yavhudzi, no xela. Arali no fulufhela kha—kha thabelo ya mme anu, kana u luga ha mme anu, khotsi anu; arali no fulufhela khā izwo, no xela. Arali no fulufhela kha luṇwe lupfiwa, vhuṇwe vhudippi vhusili, muṇwe munyanyuwo, wa u amba nga dzindimi, kana u tshina! Arali izwo zwi zwone fhedzi zwe na fulufhela khazwo, huno ni sa divhi Ngwana, sa muthu, ni sa Mu divhi, zwenezwo, ndi a ni laya phanda ha Mudzimu, lugisani itsho tshithu, zwino, na Mudzimu.

³¹⁶ Fhasi mbiluni yaṇu, rabelani. Huno itonu vha a nyadzeaho, ngauri Mudzimu u dzumbama kha u nyadzea. Inwi ni a elelwā, Bivhili yo ri, “Vhanzhi vhe vha tenda vha engedzwa.”

³¹⁷ Huno musi ri tshi ni rabelela, ndi a fulufhela uri ni do ita (yaṇu) iyo tsheo ya U Ya Nga Hu Sa Fheli, “Murena, ndi do ri, ‘Ee!’” Huno *tsheo* ndi “tombo.” Fhedzi tombo li farisani li si na mufhati ane a nga li tumula, u vhumba tshifhaṭo, u fanela tshifhaṭo? Zwenezwo, i ri ni Muya Mukhethwa u ni tumule kha zwine na vha zwone, u ya kha zwine na tea u vha zwone. Arali ni tshi tou vha murado wa tshivhidzo o huduluwaho; arali ni muitazwivhi; zwiṇwe na zwiṇwe zwine na vha zwone; arali ni si na Kristo, ni si na Muya Mukhethwa, Mudzimu a ni tendele mulalo, madekwana a ḫamusi.

³¹⁸ Zwino, Murena, sa a sa lwali vhunga ndi tshi ḫivha uri ndi da hani, huno sa—sa nga Luṇwalo ndi tshi ḫivha uri ndi da hani, ndi a da zwino na avha vhe nda vha kumedzela kha Iwe, na Ipfi. Ndi a fulufhela, Murena, uri Ipfi lo wana fhethu Halo mbiluni dza vhathu, madekwana a ḫamusi.

³¹⁹ Arali ha vha na vha no nga vhenevho vhane vha sa ḫivhe, kana vha si na vhuṭanzi ha Vhuhone vhu difhaho ha Muya Mukhethwa vhu tshi dzula vhutshiloni havho; izwo, zwa mbiti, kana u sa vha na dzangalelo, kana tseda, kana tshiṇwe tshithu tsho tumula itshi Tshithu tshihulwane khavho, huno tsho vha vhulungela Khatsho; kana iñwe ndaela, kana—kana—kana luṇwe lupfiwa, lwo vha vhulungela kha u ḫivha ha vhuṭama ha Mudzimu; uri zwino zwi do vhofhololwa!

³²⁰ Huno uri Ngwana, iyo ya Malofha, wa Lushakani mukhethwa a no da a tshi tshimbila a tshi bva kha Khulunoni, fhasi nga kha Zwiedza zwi mangadzaho zwa phasedzhi dza Khuluṇoni ya Mudzimu, a tshimbila a bva u vhila ifa Lawe! Mudzimu, tendela, madekwana a ḫamusi, uri vha do Mu ḫanganedza. Ngavhe tsheo iñwe na iñwe i tshi itwa nga ho

khetheaho, huno ngavhe vha tshi dikumedzela Khae e ethe Ane a nga vha tumula huno a vha vhumba vha vha vharwa na vhananyana vha Mudzimu.

³²¹ Zwino, nga thabelo yo khetheaho, ndi khou ita izwi nga ndila ine nda pfa ndi tshi rangwa phanda u zwi ita. Nga u khethea, phanda ha Mudzimu, vhunga O Disumbedza kha inwi. Huno inwi no vha ni si Mukriste, kana no vha ni si zwine ra zwi vhidza... Hu si—hu si—hu si murado wa dinomineisheni, fhedzi ndi khou amba Mukriste o bebwaho hafhu. Fhedzi inwi nga u khethea ni tenda uri Mulaedza ndi ngocho, huno nga u khethea ni a tenda uri ni nga kona fhedzi u tshidzwa nga tshilidzi tsha Mudzimu. Huno ni a tenda uri U khou amba na mbilu yanu zwino. Huno ni ḥoda u Mu ḥanganedza, huno no lugela Ipfi Lawe u—u ni tumula kha zwine na vha zwone, huno na itwa zwine na tea u vha zwone. Naa ni do tanziela zwi fanaho, nga u ima nga milenzhe yanu? Arali uyo muthu e fhano, huno a tshi ḥoda u ita izwo zwe eda—...izwo zwe edanaho tshothe, imani nga milenzhe yanu.

³²² Khotsi wa Tađulu, a thi ḫivhi zwe engedzeaho zwine ndi nga ita nga nn̄da ha u redza Ipfi Lau. Hafha hu na vhanna who imaho nga milenzhe yavho, vha no pfa uri a vho ngo vha hune vha tea u vha hone, who lugela uhu U Takulewa Tađulu, ngauri hu nga itea Pfundo la u Thoma li sa athu pfuṇulelwā riñe.

³²³ Huno, Khotsi, ndi a vha rabelela. Nne—nne, sa mulanda Wau, ndi nekedza iyi thabelo kha Murabelei muhulwane, Kristo. Musi ri tshi rabela, ndi nekedza thabelo yanga navho, kha Khuluṇoni ya ivori ya Mudzimu, hune Tshiṭhavhelo tsha Malofha tsha dzula heneffo madekwana a ḥamusi. Huno nga maanda nga tshiñwe tshifhinga a nga di kanda a tshi bva kha Khuluṇoni, u da u vhila thundu Yawe, zwenezwo a hu tshe na khathutshelo yo salaho; ndi khaṭhulo.

³²⁴ Tendela, Murena, uri avha vhatu vhe nga milenzhe yavho, who imaho; mbiluni dzavho, vha tshi khou ita u bula havho, huno vha tshi funa u tendela Muya wa Mudzimu u tshi vha vhumbekanya, huno wa vha tumula, huno wa vha nea tshivhumbeo tsha matombo a tshilaho, kha Nndu ya Murena Mudzimu. Zwi tendele, Khotsi. Ndi vha kumedzela kha Iwe zwino.

³²⁵ Huno Wo amba, “Ane a do Mmbula phanda ha vhatu, ene ndi do mu bula phanda ha Khotsi Anga na Vharuṇwa vhakhethwa.” Huno zwino Iwe wo dzula heneffo, vhothe vha hone, madekwana a ḥamusi. Huno who ima, vha tshi khou U bula. Huno, Murena, arali izwo zwi tshi bva fhasi mbiluni dzavho, hu tshi tou vha na ngocho sa Ipfi la Mudzimu lo luga, Iwe zwino u khou vha rabelela, na u vha ḥanganedza

kha tshi—tshilidzi na mafhethu a khathutshelo a Malofha a ṭanzwaho a Ngwana ya tshithavhelo. Huno vha ḋo vha Vhau, nga Dzina ḥa Yesu Kristo. Amene.

³²⁶ Zwino, inwi a no vhona avha vhatu vho imaho nga milenzhe yavho, uyu muṭhannga ngomu *henefho*, huno vhone vha khou ima, inwi we na pfa uri tshivhi tshoṭhe na u haṭulwa ho ṭuwa. Ndi ṭoda inwi ni tshi takuwa, vhaṇwe vha vhoiṇwi ni re tsini navho. Dzinginyisani tshanda tshavho, huno ni ri, “Mukomana, ndi ḋo vha ndi tshi khou ni rabelela. Khaladzi, ndi khou ni rabelela.” Itonu dzinginya tshanda tshavho, huno ni ri, “Mudzimu a ni fhaṭutshedze.” Huno zwino zwe salaho ndi zwa tshanda tsha Ramaandaōthe. I ri ni, “Ndi ḋo rabela, huno ndi ḋo ita zweṭhe zwine nda kona u ni thusa ngomu Muvhusoni wa Mudzimu.”

Oo, u khou vhidza ḥamusi!

Oo, Yesu u khou vhidza!

U khou vhidza nga ndila tete ḥamusi!

³²⁷ Naa ni a Mu funa? [Tshivhidzo tshi ri, “Amene.”—Mudz.] Naa Ha mangadzi? [“Amene.”] Oo, naa ri ḋo ita mini ri si na Ilī? “Muthu a nga si tshile nga tshinnkwa fhedzi; fhedzi nga Ipfi liṅwe na liṅwe li bvaho mulomoni wa Mudzimu, u ḋo tshila muthu.” Oo, mpfushe, Murena, nga Ipfi.

³²⁸ “Ri sa litshi u kuvhangana fhethu huthihi, vhunga sa mukhwa wa vha sa tendi, huno izwo lwo engedzeaho nga maanda ni tshi vhona ḫuvha li tshi sendela.”

³²⁹ Mudzimu a tshi funa, vhusiku ha matshelo, nga tshilidzi tsha Mudzimu, ndi ḋo lingedza, nga zweṭhe zwi re kha nne, u Mu humbelu u rabe-...rabelela, uri tshiphiri tsha aya Mapfundo, musi a tshi pfuṇululea, a ḋo amba Ipfi ḥa Mudzimu kha vhatu.

U swika ndi tshi ṭangana na inwi, Mudzimu a vhe na inwi!

³³⁰ Huno zwino ndi rembulusela tshumelo kha murathu washu a thonifheaho, Murathu Neville, mufunzi. Naa ndi vhanngana vha no funa Murathu Neville? [Tshivhidzo tshi ri, “Amene.”—Mudz.] Zwino, roṭhe ri a ita. Idani phanda, Murathu Neville. Murathu Neville, Mudzimu a ni fhaṭutshedze, murathu.



NZUMBULULO YA MAPFUNDU A SUMBE

(The Revelation Of The Seven Seals)

Iyi Milaedza ya fumi nga Mukomana William Marrion Branham yo ḥewa lwa vhubvo nga Tshiisimane nga la 17 la Thafamuhwe u swika nga la 24, la 1963, kha Thaberenakele ya Branham ngei Jeffersonville, Indiana, U.S.A., huno Pfundo la Vhusumbe lo isa phanda nga la 25 la Thafamuhwe kha Mothele wa Sherwood. Ho no wanala theiphi dzi vhonala ho nahone dzo fhelelaho lwo engedzeaho dza vhubvo, iyi Milaedza yo no itiwa nga tshivhumbeo tsha zwino. Vhuḍidini vhuriwe na vhuriwe ho itwa ha u fhirisela Mulaedza nga ndila yo teaho u bva kha rekhodo dza theiphi ya maginete u ya kha siaṭari lo gandisiwaho. Iyi i songo pfufhifhadzwaho Tshivenda ṭhalutshedzo yo gandiswa nga Voice Of God Recordings.

Pfanelo dzothe kha iyi bugu dzo vhulungwa. Iyi bugu i nga si kone u rengiswa, u dovha u gandiswa, ya ṭalutshedzwa kha dziṅwe nyambo, kana u shumiswa kha u ita masheleni hu si na thendelo yo buliwaho yo ḥwaliwaho ya William Branham Evangelistic Association.

TSHIVENDA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org